

第二卷 第五期

北京悟善總社發行



長樂書

本社啓事

讀閱要誌諸公台鑒敬啓者去冬本社遷移新屋諸務擴張
今春復清查發行更換經理及印刷一切遂致第二卷第四
期出版稍逾時日有負訂閱者盼望之股本社同人殊深歉
仄祇以時局艱危人情澆薄尤望好善之士極力勸講襄助
銷推以一勸十以十勸百庶聖賢之道賴以昌明詭譎之風
藉資掃蕩挽回劫運敷佈仁慈實有重賴於我
讀閱要誌諸公者也本社同人香頂禮敢佈芻言伏希
亮察毋任感盼

北京悟善總社敬啓

靈學要誌第二卷第五期目錄

至聖先天老祖序

乩字乩畫類

唐吳道子乩繪淑德真君像

李仙舉杯邀月圖

余仙春晴圖

劉仙龍文寓意畫之四

孚佑帝君乩書溥字

李仙乩書明五教

李仙乩書守十誠

應仙乩書色卽是空四字

道詮類

碧眼仙子靜功論一

碧眼仙子靜功論二

碧眼仙子靜功論三

正陽帝君解釋道德經有欲觀竅無欲觀妙二句意義

附及 孚佑帝君釋

目錄



目 錄

齊陽帝君鐵祖醫命說

偈語

論著類

平仙警語

孚佑帝君人鑑

洪鈞太上述古今中外報應龜鑑論

孚佑帝君釋中庸致曲之意義

姚姬傳真人機說

至聖先天老祖說佛法世法

約翰仙施受說

姚姬傳真人寓言

孚佑帝君自述立教之宏願

詩詞類

計一百零三首

唱酬類

壬戌春日文會記

善業類


續放滄州鹽山急賑報告書

記事類

壬戌四月初四日起至五月二十七日止

附錄類

遊巡各省檢察使陸公論定數 附陸公遺像




目
錄



至聖先天老祖序

靈字你們認得麼。我看你們不認字的居多。大抵是習慣上認的。不是智識上認的。靈之問題。卽是一個字的解決。卽巫字也。自古及今。通神的。只有巫。除此以外。更無別法。此字乃像形體。工字者。卽乩器與沙盤也。二人者。用二人扶也。故謂二人之巫。巫既實驗。有一定之效。如晉太子申生。如鄭伯有事。皆巫通之。自制文字之始。卽認此等字爲當然。而靈字出焉。靈字上係兩中係三口。爲人心之靈。故古心字卽三口。心從三畫也。下從巫。蓋非巫則人莫能上通於神也。其間三口亦確有道口者。空也。三空乃天地人之智也。就人而言。二人扶工爲巫。可以通神矣。若無第三人。開其信口。與智能以行之。則此二人之所謂巫者。亦無所成其功矣。此所以謂之靈也。人欲上達者。烏可以不識此字哉。卽以此靈說爲靈學要誌序焉。

太歲壬戌七月初五日序於悟善總社




淑德眞君麻姑仙像



吳道子壬戌十月初九日畫於悟善總社

麻姑仙乃藐姑仙之弟子也藐姑見東方少陽之精與兌方少陰之氣合化爲神女往觀之一女嬰撫掌坐地笑眼向天狀藐如玉童子知其不凡變形爲老母哺之性嗜胡麻卽造胡麻飯食之辟一切嘉穀人遂確爲麻姑焉藐姑爰現原身相示爲說傳以黃庭妙道命在象山修煉山有良田種麻得麻東海王方平遊蓬島西回路遇麻姑結爲兄妹漢桓帝時東入括蒼山與王方平降蔡經家舉家見之年可十八九頂中作髻餘髮散垂至腰衣有文彩而非錦繡光鮮耀目坐定以金盤玉盃行酒姑曰吾見東海三爲桑田向到蓬萊水淺於往者略半豈將復爲陵陸乎時經弟婦新產姑擲少許米於地以去穢視之皆成丹砂方平笑曰姑猶作少年戲耶姑指甲長如鳥爪經念背去癢時得此爪爬之當佳方平已知引經驅之曰麻姑神人也汝謂其爪可搔背耶宴畢姑乘雲而去昔時藐姑教其勤立功行姑遵命開麻狄兕狠好殺喜其姓麻欲化之向善乃投生其家爲女儀容絕好狄稱爲小麻姑狄爲石氏築城西陵晝夜督功惟雞鳴稍息姑恤之假作雞鳴羣雞皆應狄覺欲撻之姑遜入江西丹霞洞方平念舊而來喝姑曰浩劫高竄應世而降人間遽忘却耶自此指破前因奉誦黃庭年餘道成狄思女目盲大悔前非姑取神功泉釀酒携歸飲狄兩目復明姑仍還象山拜謁藐姑以復其命唐末 孚佑帝君以東南海嶼颶風多暴須以柔和制之乃於西王母處薦舉姑降法身到天風海濤間拯救危難時莆田林氏世積陰德姑念麻姓除去尸字卽林字也宋太祖建隆元年三月二十三日降生林家嗣老道士元通授以玄微秘訣乃窺井得符知變化問或御風神遊飛度大海年二十九重九日空中聞鈞天之樂乘風直上凌虛見 孚佑帝君笑謂曰姑又開一番生面也吾將闕海一涯祈姑保障自後於海上屢昭靈異是爲天妃凡遇海天風浪卽有神燈點點隱約於萬頃煙波之內或仍現麻姑形像坐橋橈上拂塵指揮蛟龍效順姑受封爲大祥慈惠元君淑德真君

舉 杯 邀 月 圖



李 蓮 壬 戌 十 一 月 二 十 一 日 於 繪 善 悟 總 社

李白蜀之昌明人原籍隴西成紀字太白生於青蓮鄉號青蓮居士賀知章見其文歎爲謫仙

言於玄宗供奉翰林甚見愛重被譖求去天子知其不可留賜金歸之後就從祖陳留采訪大


使彥允請北海高天師授道籙於齊州紫極宮其金陵送權十一序云吾希風廣成蕩滌浮世

素受寶訣爲三十六帝之外臣本社屢蒙 太白仙師降臨壬戌十一月二十一日親繪舉杯

邀月圖繪畢諭曰此一幅係吾影也並示詩一首行樂何如向人世胸中酒蟲抓我肺借君三

盞滌塵污會赴靈山一覺睡

春 晴 圖



余仙壬戌三月初七日畫於悟善總社

龍文寓意畫之四



劉仙辛酉正月十七日
畫於悟善總社

孚佑帝君孔子字



辛酉十二月十六日書於悟善總社

李 仙 此 字

明 五 教

壬戌正月十四日

壬戌正月十四日書於悟善總社

李仙孔書

奇行誠

序

壬戌正月

壬戌正月二十四日於書悟善總社

應 仙 孔 字

應仙孔字

辛酉七月二十八日書於悟善總社



道詮



碧眼仙子靜功論一 辛酉十二月初九日

心花發似未曾發。靜守中央。勿動搖。外動中凝。成直覺。御風行去。意逍遙。此卽靜字進一步功夫也。

易曰。敬以直內。義以方外。直方大。無不利者也。莊子曰。冷然善者也。此中有尋覓處。衆人當自悟之。

人不能不應世務。故靜字須徹內外。動止言之。心花發似未曾發。四語卽其訣也。諸人可與不動心說。參看自悟。必可得力。從此用力。半年後必能大進。不爲俗撓矣。勉哉。以後工夫愈深。故訓語亦愈微。無前此之明顯矣。諸人須勿怠。各自詳玩。

謹按。碧眼仙子不動心說。係辛酉二月二十九日降筆。大致謂久坐凝真。以維護此心。以心應物。不爲物所役。此心不動。則觀觀則明明。明則靜云云。已

登載本要誌第一卷第十二期道詮類卽希讀者檢閱

碧眼仙子靜功論二 壬戌二月二十九日

靜裏功。夫莫畏難。純從火候煉金丹。平心止得澄如水。返照中庭。天地寬。靜字初功。自防外物。始外物所感。其中乃一。有不能靜者矣。若工夫既深。不爲物移。視而不見。聽而不聞。食而無味。卽佛經所謂無眼耳鼻舌身意。無色聲香味觸法者也。至斯始可隨意接觸。任其自由。不再事防其外。其中自動於道中。而無動於道外矣。

若在初習。心出入無時。氣躁靜無定。神馳而精搖。息促而念雜。如置輕羽於西風。落花於急湍。欲其自靜也。得乎。

故惟有斷其外。以持其內。屏其物。以存其中。使情日減。性日充。念日微。道日廣。則自然上天之載。無聲無臭。其在我者。無可動。其在外者。鳶飛魚躍。動其所動。吾亦靜觀自得。靜字工夫。乃臻神妙也。

碧眼仙子靜功論三 壬戌閏五月初九日

坐而曰靜。其要在靜可知矣。不獨靜其內。且須靜其外。前已屢言之矣。但靜外。

在屏視聽所謂耳無聞目無見也。靜內在凝心志所謂持其志毋暴其氣也。大凡在世修行塵緣未斷日之所接夜之所思擾擾紛紛莫能有定。雖欲自靜。憂憂其難。

今告汝等一法。於將入坐時先謝絕外來事。焚香靜室中。或默誦金剛經。或敬書心經一卷。使心神俱存。欲念淨盡。舉頭神佛質臨在上。自然由敬生靜。內外寂然。然後降氣調息。以手捧心。輕步室中三十步以上。再行就所設坐。安神坐定。則一切皆靜矣。

惟室與坐宜潔。宜靜。宜高。敞宜避風。日宜寒燠。適中宜有生氣。此層再宜注意。生氣者如春風和煦。習習宜人也。此易致靜之道也。

正陽帝君解釋道德經有欲觀竅無欲觀妙二句意義。壬戌二月十九日

修道須先從經訓入手。老君五千言為獨啓天地之鑰。發揮道義之精。能讀

之者自能悟出本原。明示造化。遵而行之。仙訣諸丹書不足讀也。惜解之者少。後之學者附會牽掣。失其真諦。即如所示坐功。曰常有欲以觀其竅。常無欲以

觀其妙。已括盡學道者自初習以至成功工夫矣。

欲者念也。人心不能無念。仙心則否。由人入仙。必由有念而漸至無念。觀竅者。即有念。何以欲其有念。因初學之人。念難淨盡。且一入無念。便成昏困。將何以使之靈轉哉。有念以觀竅。使念繫於竅。庶可衆念歸一。神凝而氣定矣。此所謂有欲以觀其竅也。

但凝者。貴化定者。貴通。不化不通。終歸老死。其所以化之通之。則非吾念所能強致。須純任自然。使臻妙境。一涉人念。害斯至矣。必無念始能觀妙。此所謂無欲以觀其妙也。

此言即指初則由衆而一。後則由一而無。蓋由無而衆。天生人之道也。由衆至無人返天之道也。故曰順爲凡。逆爲仙。其理盡於是。修道之要亦盡於是矣。

謹按道德經各家箋註甚多。而有欲觀竅無欲觀妙二語。意義最深。鍾離

祖師謂後之學者。附會牽掣。失其真諦。是知解釋不可不審慎也。本社原擬

搜羅各家箋註。刊列要誌。用備參攷。惟以時間匆促。手民催稿。謹將

帝君註解附錄如左

道德經釋義 (孚佑帝君降筆於漱珠閣純陽觀)

故常無欲以觀其妙。因有母而化生出萬物。上文有母名。纔道出一個故字。因故而實中。纔生出一個虛無底境界。故吾常常無欲以觀其妙。不從萬物中來。安得從萬物中而觀妙者。就是慮而后能得。那個莫顯乎微。又得那個莫見乎隱者。纔是個天命之謂性。率性之謂道。到此率性底地步。吾故常常無欲以觀吾道之妙。故曰故常無欲以觀其妙。常有欲以觀其竅。竅非耳目口鼻之竅。乃生死存亡出入必由之竅。所關甚重。所係非輕。此其竅也。吾若有欲而身不得道之妙。從世欲中出入。此亦竅之門也。吾若無欲而心領神會。得道之妙。皆從此道之妙而求其道。妙之竅。任其出入。關閉皆由於我。而不由於竅之督令。自專之權柄者。就是在明明德而止於至善之道。吾方能常常去有欲之心。以觀吾道之竅。此竅字從母字中來。此妙字從始字中出。上文無名始。總是元始之母。而生妙。於是皆從心可道之道。從心可名之名。而合於始生之母。方得到一個妙字。知其竅之自然。為竅非造作。有欲之竅。

道德經淺註 (孚佑帝君降筆於崇正精舍)

有母而生此欲也。在無欲之時。以觀其大氣之舉。鴻濛結構之大功。功未成。以

觀其自然之妙作也。迨有此欲。即有形。可觀。既見其始。故欲見結構之終。竅竅終也。終此形成萬物。俱萬物而形名焉。

齊陽帝君鐵祖醫命說 壬戌八月初八日 南京分社

醫病者小術也。不足觀也已矣。我却有醫命之法。醫命者大道也。真學也。人何以爲萬物之靈。非以知覺始得。謂爲人也。其所以異於禽獸者。因禽獸有命而無性。人則性命雙全。所以爲貴也。本乎天者。謂之命。率乎己者。謂之性。儒教功。夫以盡性立命爲宗。釋教功夫以養性聽命爲宗。道以煉性受命爲宗。耶以率性順命爲宗。回以淨性守命爲宗。其他三千外道八百旁門。則戕性逆命爲宗。教雖不同。莫不性命皆重也。性命之學。其重在於煉神歸性。煉氣歸命。神不內守。則性爲心意所移。氣不內固。則命爲聲色所奪。故大丹之要在於煉精化炁。煉炁化神。煉神合道。神與炁乃人身之上品妙藥也。七返九還。皆指神與氣而言也。已去復回。謂之返。已復又轉。謂之還。還轉之妙。則在於探藥。所謂藥者。乃人身中固有之藥也。探藥有時。節製藥有制度。入藥有造化。煉藥有火候。彼老死於參茸黃庭諸書者。未得窺其門徑也。至於探藥製藥。入藥煉藥。各種秘訣。

世苟有虔心求道者。我不惜傳之以醫其命。

謹按是日鐵祖降臨先示云。好醉也。歪東又倒西。好睡也。青松脚下欹。幾度翻身撐不起。引得他羣兒撲手笑嬉嬉。他笑一足高一足低。渾身帶水更拖泥。背上長將葫蘆繫。着手回春誇大口。却原來自家腿脚醫不齊。哈哈會替人醫病。自家有病却不會醫。今世滔滔者皆是也。豈獨我而已哉。我特從衆而已。二子且漫腹誅。細聽我說醫。

偈語 辛酉八月南京分社

宏教真人示 大道無形須自求。暗中自有渡人舟。修持立定菩提願。利鎖名縑一律收。

宏教真人示 一念身超。大洞仙方知道法。大無邊金容。髣髴空中現寶劍。長橫最上天。

宏教真人示 一粒金丹渡世人。陰陽既濟養精神。爐中煉就長生藥。補爾金剛不壞身。





論

著

悟善總社發行靈學要誌簡章

- 第一條 靈學要誌爲本社 神聖仙佛品筆勸世興教救劫之書售出書款除刊費外專備慈善之用發行辦法依本簡章行之
- 第二條 靈學要誌每卷分十二期(即十二册)每册大洋四角全卷十二册大洋四元
- 第三條 靈學要誌應依左列辦法分售
 - 甲 本總社及分社
 - 乙 本社社員
 - 丙 社外諸慕道者
 - 丁 各處品壇善堂及其他團體
 - 戊 各埠書坊及商店
- 第四條 凡包售靈學要誌躉數者由癸亥三月起一律均照八扣如欲包售者請來函訂或面議
- 第五條 凡來本社問病問事者均由介紹人請其先購靈學要誌一份方能將所具之表呈壇叩求否則介紹人代備書價但實在無力者不在此限
- 第六條 本社已入社之社員均應購買靈學要誌全卷
- 第七條 本社社員均負有勸銷靈學要誌之義務每人至少須擔任勸銷全卷五份倘不能勸銷即請每年自捐刊費十元以資維持
- 第八條 無論社員及社外之諸大善士凡一次購滿靈學要誌全卷十份以上奉贈全卷一份如銷數能再加多由本社隨時呈請 神示酌予獎勵之
- 第九條 凡訂購靈學要誌贈人在二十部以上而求銷及錫福者由本社特別呈請 神示酌核批行之
- 第十條 凡每年捐助靈學要誌刊費百元以上者奉贈全卷一份並由本社呈請 神示酌予獎勵其特別捐助者特別請獎之
- 第十一條 本簡章如有未盡事宜得由本社職員會公議修改之
- 第十二條 本簡章自呈奉 神示批准之日施行



論 著

平仙警語 壬戌五月初二日

帝師曾有言○○尙有○勿以事過爲無害也。大概須竭力教務。以償 師願。欲求清平。非教莫由。看前車之覆。爲未雨之謀。亟於此時。圖之勿到臨時。抱佛脚也。人心險惡。翻雲覆雨。而不知天已隨其機制。其數矣。可不慨哉。無日不顯。且看展轉。嘻。憑天固難。違理者天。視聽之則無毫髮爽。奚謂高不可知耶。師言亂世之報。較治世速。以人失其德。神代察之。蓋良善之保護。綱紀之藩維。舍神則人類絕矣。謂予不信。則君等相聚於此。何恰值亂離之日乎。又何以劫頻遭而無損乎。不能求公道於在上。禱安全於羣居。亦惟有恃此神耳。神者善人之心。理所聚。故恃神卽恃此心理。伏魔大帝謂心卽神。神卽心。指善人之心也。若惡人之心。則惡魔厲鬼耳。今魔鬼衆矣。惟賴神以伏之。神力愈大。則魔力愈小。欲神之克服羣魔。非衆善人之毅心以赴之。不爲功。故神之言。千百而盡。

於勸善一語。良有以也。吾此言皆聞諸 師。特錄以促諸君之從事善業者。

孚佑帝君人鑑 壬戌三月十七日（宏教真人宣示）

是時 文尼妙道天尊孚佑帝君純陽子。降於娑婆世界北極山中。八大弟子隨侍。召集無量數之善信靈性。宣人天大道。宏教弟子敬禮而叩曰。修行將如何。何如而修行。純陽帝師示。知禁而后有徑。徑而后能勁。勁而后能競。競而后能進。進而后能近。近而后能淨。淨而后能靜。靜而后能鏡。鏡而后能竟。謹按此文乃 帝師在娑婆世界北極山中示語也。是日 宏教真人降乩演述之。並 諭云。奉 帝師命。諸生可仿格言問答體。研究呈復。實行人神共話之漸。其文名曰人鑑。所以必如此者。因神可督人實修實踐也。云云。茲將各社員答案附錄於後。

慧濟答案

禁而后有徑 大抵修行之道。在知所戒。尤貴有所制。禁戒也。制也。心經曰。無色聲香味觸法。易曰。山下有澤。損。君子以懲忿窒欲。金經曰。應如是降伏其心。皆寓戒於制之中。即禁之意也。此為初學入德之門。徑在是矣。

徑而后能勁。說文以步道解徑字。有路徑門徑二義。其理與道相通。知其道而由之。則不至茫乎若迷。如山徑之茅塞。而向道之心堅矣。勁而后能競。勁從力從至。廣韻。堅也。增韻。健也。又強也。左傳曰。中權後勁。蓋必堅而後強可言也。

競而后能進。爾雅釋詁注。競爲強。與勁字解相似而微有不同。易曰。天行健。君子以自強不息。夫不息則有進無退矣。

進而后能近。進之爲言前也。有一往無前之概。乾卦君子進德修業。於道其庶幾矣。

近而后能淨。說文。近。幾也。論語其庶乎。註言近道也。近道則遠於聲色貨利。語曰。克伐怨欲不行焉。可謂明也已矣。極其旨。雖至於天理流行。人欲淨盡不難也。

淨而后能靜。正韻。淨。無垢也。潔也。淨則萬緣放下。心如止水。不啻秋潭之泉澄鮮一色。豈猶有搖搖而不定者乎。

靜而后能鏡。靜爲動之對辭。佛經言如如不動。靜之象也。韻會。靜。澄也。澄

則清。清則足以鑑物。不難照見五蘊皆空。所謂定生慧也。
 鏡而后能竟。鏡取景之器。言有光景景即影之本字也。蓋影至則現。影去則留。道
 體真空。猶之鏡也。工夫至此。則明心見性。而吾之原靈復矣。修道之究竟。於
 此而造其極。顏師古曰。竟者終極之言。此之謂也。

批 頗能闡明本義。

悟恆答案

禁而后有徑。築基煉己。守戒制心。入德之門。由此而始。
 徑而后能勁。應行則行。知止而止。不入歧途。堅貞得利。
 勁而后能競。百煉之身。如金鋼體。勇往前修。當仁不讓。
 競而后能進。真氣勃勃。自強不息。履道坦坦。幽人貞吉。
 進而后能近。不舍晝夜。周流六虛。瞻前忽後。其殆庶幾。
 近而后能淨。道不遠人。造化在我。海闊天空。月明如水。
 淨而后能靜。萬念皆空。如如不動。恍惚杳冥。身非我有。
 靜而后能鏡。寂然常存。瑩然常明。智慧大開。照徹世界。

批 能合體裁。 鏡而後能竟。 前知後知。 明心見性。 登最上乘。 是真如境。

悟澈答案

禁 佛曰尸羅。 儒曰知止。 有所不爲。 萬行之始。 人而不同。 起於一念。 戒之戒之。 靈山相見。

徑 世路多歧。 孰知取徑。 諸行八萬。 所歸唯正。 正信調直。 大道無方。 舉足卽至。 示我周行。

勁 魔軍懾伏。 佛號大雄。 煩惱如草。 智慧如風。 至大至剛。 難言難說。 方便立名。 般若之力。

競 一念萬年。 稍縱卽逝。 建瓴之形。 懸崖之勢。 止之如水。 防之如城。 發而皆中。 君子之爭。

進 大鵬垂翼。 六鷁退飛。 上下千古。 悔不可追。 君子乾乾。 功在克己。 日進無疆。 純亦不已。

近 本性玄漠。 大道無垠。 衆生造意。 忘其所生。 造化弄人。 曰時方處。 聖人一

之。不差累黍。

淨 子曰四物。使攝六根。一無所取。衆妙之門。了別思量。總無一可。不見清光。乃貪爇火。

靜 仁者心動。乃有風生。不起於坐。世界光明。雷本無聲。雲未嘗出。靜中日月。懸之虛室。

鏡 常照常寂。常寂常照。有破無立。斯眩衆妙。天無遯影。地無匿形。佛告大慧。民無能名。

竟 衆生有盡。我願無盡。不識漸次。莫談究竟。正等正覺。匪易匪難。心在何處。吾爲汝安。

批 推闡本旨。體裁亦合。

悟淡答案

禁而后有徑 禁者戒也。學道之心。必時時有所戒慎。而后循大道之徑。以升堂入室。方不至誤於歧途。

徑而后能勁 既得大道之徑。乃能堅定其趨向。秉其剛勁之氣。不爲魔惑。

所撓。

勁而后能競。勁氣內含。而后能與道相競。見義勇爲。當仁不讓。不至徘徊觀望。中道而止。

競而后能進。苟能與道相競。則必有毅力。有決心。勇猛精進。以求達於至善之境。

進而后能近。既得進道之基。尤篤信道之念。非道之言。不敢言。非道之行。不敢行。動靜不離於道。則庶乎其近道矣。

近而后能淨。人而近道矣。身心湛然。私欲淨盡。天理流行。無私毫塵濁之染。而常樂我淨矣。

淨而后能靜。有清淨之體。則心不妄動。寂如止水。一切希冀。心煩惱。心恐怖。心皆無所擾於中。而萬事萬物之理。靜觀自得矣。

靜而后能鏡。能靜始能觀。能觀始能無。此心空空洞洞。不爲物欲所蔽。事來則應。事去則無。如明鏡之當空。不可以形逃矣。

鏡而後能竟。人能持此心如鏡。則事物之來。無不窮形盡致。而得其究竟。

至此可以窺道之奧。可以造道之極矣。

批 體正詞明

學復答案

禁 修行有方。首先持戒。操存之要。端在防閑。是以人有不爲。方免聰明誤用。寇能自禦。庶幾情欲難牽。

徑 大道自有階梯。幸勿亡於歧路。慈航泊於彼岸。切勿放乎中流。是以車有指南。不迷於深山大澤。星皆拱北。無惑於雷雨烈風。

勁 至誠所感。金石爲開。堅忍爲懷。鬼神可動。是以回光返照。如登萬仞之山。聚氣逆行。若鑿五丁之谷。

競 純鋼成於百鍊。寶劍利於橫磨。是以無欲爲剛。精神持於不懈。中流立柱。運用存乎一心。

進 日就月將。學方有得。朝乾夕惕。德始能成。是以如日之升。無躡等之害。若輪之轉。成漸近之形。

近 舉頭見日。祇因身在雲間。探驪得珠。却爲已入虎穴。是以逢源左右。不

勞想像于有無。親炙莊嚴。無復徘徊於上下。

淨 一塵不染。鏡乃純青。渣滓全除。水方澄碧。是以空前空後。祇存清靜之身。何有何無。但見純陽之體。

靜 禪心本寂。無色無聲。道體無爲。何動何止。是以內外皆息。融成一片之天。物我同休。不著纖毫之迹。

鏡 鑑到毫芒。自能明夫造化。虛其本體。遂可運夫神功。是以懸寒月於中天。萬影畢現。廣至誠之妙用。無微不知。

竟 無聲無臭。充其悠久之功。非色非空。全夫自然之道。是以息於不息。生天生地。生人。玄之又玄。非聖非仙。非佛。

批 解釋嚴明。見有獨到。

善範答案

此十字全是修行功夫。由淺入深。層次井然。能逐字了悟。修行之道。或庶幾矣。凡人終日爲色受想行識五蘊所擾。致受一切苦厄。欲度苦厄。必先空五蘊。空也者。禁之之義也。目內視。耳內聽。端身正意。心注中黃。皆禁其與五蘊

相接也。知禁而后修行之徑路可得。既有徑路。從而致力焉。是謂之勁。即勉力內功之意也。是時天理人欲。不免交競於中。必也天理競存。人欲減少。而后有進步可言。能益進則近乎道矣。自此人欲淨盡。天理常存。而后謂之真靜。靜則如止水。如滿月。如虛空明鏡。心胸浩蕩。萬象皆無。世界有壞。惟空無壞。乾坤有礙。惟空無礙。神滿太虛。法周天外。此大道極功。而修行之究竟界也。

批 改成條答。

洪鈞太上述古今中外報應龜鑑論 壬戌五月十五日 (續第二卷第四期)

晉欒書中行偃事

弑逆之禍。責在首惡。故欒氏先誅。中行爲從。又先德厚。歷吳躒數世。遺惠猶存。故至瑤始滅。蓋無德以繼其先世。而乃祖偃之罰遂償矣。

天判

據晉主州蒲訴逆臣欒書中行偃背恩行弑事。查欒氏中行氏。世有德惠。而書與偃前此謀國亦臧。應得善終。惟欒書使楚公子茂讒害郤氏與弑州蒲氏。大

惡不道。讒害事雖天假其手。而存心實已深刻。弑逆事雖爲易暴安邦而行事。實已背恩蔑常。勅欒氏五世以孫嗣盈。本族償弑逆之罪。以欒祈之讒。償楚公子棧之讒。中行偃雖係從犯。而在林父身已謀師不臧。邾之役傷害生靈尤多。偃又重以弑惡。本應科如欒氏。惟其先世曾兩救孤主。忠於所事。使里克無變。晉亂不亟。民命亦少喪亡。功實甚巨。又歷經數世。惠多惡少。應予減等。勅中行氏於五世間先以一支償。十世間若無厚德子孫。仍以其族償。所司照行。天史氏姚曰。荀寅先被討。五世之報也。荀瑤復長惡怙亂。故滅於趙氏。爲三家所分。十世間之報也。天罰鐵案。絲毫不爽。亦深可畏矣。然天終予人以自新之路。使荀氏十世前後有大德者。足以挽回其滅族之禍。而瑤可。不生。卽生而亦可不卒於惡矣。昔趙武與向戌爲弭兵事。列國得免兵禍者十數紀。卒以蓋乃先人盾之過。而復昌。其後爲列侯數十年。改過立德。足以回天命也。明矣。後之人曷亦深思而速悟也。

晉士薦士句事

士薦佐晉獻。盡誅桓莊之後。設謀行戮。皆薦之力。因其子穀孫會。歷世皆賢。又

其祖杜伯忠而見殺。應昌後嗣。故得十世之宥。以殺會等之賢而有濟。多所全活。故復得延十數世。至士匄而先廢盡矣。宣子治國愛民。政鮮過舉。足以繼續鴻業。延慶後人矣。然而不三傳。士吉射被逐以去。不五傳。士氏之子孫無遺類者何哉。

天史氏姚曰。陽善難抵於陰惡。外吉無救於內凶。人當衆聞衆見。爲惡不諱。猶可誅也。若夫假公義以芟異己。借詐術而除私患。猶曰彼實自取。人有間言。我不忍也。是誠伏惡隱奸。足以欺掩一世。非常識所能判誅之者。故天於此輩。黜其功而但錄其罪。深誅重戮。不肯少貸之也。匄之賢與惠固矣。而陰惡之所致。足以滅族喪身。而有餘。所以遲遲者。天之曲恕賢惠。尙不遺於微芒間耳。晉厲公既得罪諸大夫。匄非不知其微也。公遊於匠麗氏。匄非不知其非也。知而不匡。其始阻其後。何耶。其隱中所避。及其視君如路人。欲其自斃。可知也。書偃之事。外雖不許。而當時實在其位。食其祿。既不能如甯俞申胥之奔走求救。以討弑者。復不能如晏嬰季札之哭尸逃難。以避惡逆。匄之心。豈真忠潔不染哉。其隱衷直以厲公刑戮不時。畏其在位日久。於己不利。然弑逆惡名。又不自身當。

之。故。於。書。偃。不。力。阻。而。事。後。不。言。討。賊。也。謂。其。與。謀。可。也。即。謂。其。與。弑。亦。可。也。欒。氏。漸。強。勢。逼。權。埒。恐。一。旦。姻。親。不。可。恃。而。爲。己。隱。患。也。故。處。心。積。慮。務。欲。芟。之。而。後。已。欒。祈。之。譖。以。勾。之。明。豈。不。之。知。良。以。計。之。已。深。伺。之。已。久。即。無。欒。祈。猶。將。別。覓。如。祈。者。矧。有。斯。隙。而。肯。不。乘。之。耶。噫。詭。計。行。而。欒。氏。逐。且。誅。矣。陰。惡。肆。而。厲。公。陷。於。死。矣。勾。之。隱。不。誠。險。哉。雖。有。善。行。惠。澤。弗。相。抵。也。祇。可。遲。延。其。數。而。已。計。士。爲。之。罪。加。勾。之。慝。數。適。罟。矣。天。罰。不。五。世。而。施。厥。嗣。以。茲。也。

孚佑帝君釋中庸致曲之意義

壬戌五月二十三日

中庸曲字極有玄妙。非曲學阿世之曲字。此中深意。非一時所能告。蓋惟曲始能致神。有內功。在內。乃心氣神三者相接之工夫。故曰曲。而所以致此曲者。大有工夫。故曰致曲。此儒家神學內功之見於經者。一線絕學之薪傳。正在於此。其他則孔子不常言矣。故曰不語怪力亂神。言神之最精處。厥在於此。今悟禮竟能標出中庸致曲之意義。以爲道之研究。誠可謂有志者矣。可由吾所解之意。入手鑽求。以爲儒家神學之原理。日後發明。與體物不可遺之理會。通一貫。蓋體物說。乃言神之體用。致曲說。正言由人致神之至理。其深妙亦至。庸近故。

於中庸中言之。卽近世靈學也。靈至深妙。然爲人之所俱有。故曰中庸曲之所致。人人能爲。故曰中庸後儒註解。未能概發。不偏於形上。卽泥於性理。神字學問。與致字學問。未能會通。故也。蓋致由於人。而神通於天。兩者不可或遺也。求通之之術。厥在於曲耳。

謹按是日社員施悟禮上表。言中庸其次致曲之曲字。意義尤深。後世不明範圍所在。每與異端曲學混爲一談。是乃人心學術所繫。關係非淺。伏懇明白宣解。垂示將來等語。旋蒙 帝師解釋。謂曲字爲儒家內功。薪傳使數千年儒學與神學相通之精理。燦然復明於世。昔漢宋諸儒解經不窮。亦未見及此。而我 帝師理解。獨超發前聖所未發。自非學究天人而能若是乎。預料此解一出。天下之人。當知儒者躬修。尙有至道。勿徒侈言修齊治平也。

姚姬傳真人機說 壬戌閏五月初三日

機於說文。古謂械。又樞也。其用足以成物。而除物之所有障礙也。故機字從木。從幾。幾者事物之微。木者用以爲器。而衡量修造於事物者也。機杼之用。以成

紡織機械之用以利兵農其他因物造機以爲器用莫不有利物利人之意焉。易曰形而上者謂之道形而下者謂之器人生稟形上之道卽不能不賦有形下之器所謂天理與氣質參也。

既稟夫道矣仁義禮智是也仁與禮有天理節制之意而義與智則有是非幾微之辨故人生卽稟有幾之道已人生既賦有形下之器矣機械樞衡是也樞衡有裁成完全之意而機械則有巧變排除之用是人生卽賦有幾之作用已是無論道與器皆予人以機性也明甚人既稟賦斯性卽不能無斯性之作。用也亦明甚古今來迎幾燭微因利乘便所以戡大難成大功以行其權與數者何莫非善用斯性而獲之乎。

然而天道至德不能無差失况機性之有近於澆僞者耶上古中古聖人之世風俗敦厚教化密穆其所以制作器械以應民用而啓其智者不患有巧僞之害而惟虞有粗野不適之弊故機性於中古以上爲害獨少降及周秦變故疊與人心日漓行奸作僞之風大啓機巧萬端不可或測而斯性之爲害從此爲烈。

其何以害於後而不害於前耶。曰：在失其中而已。孟子曰：禹之治水，行其所無事也。若智者亦行其所無事故，智得其中則行所無事矣。過此則鑿矣。鑿又安得不爲害耶。

且夫機性者，人人所受於天地者也。我有斯性，人亦無不有斯性。我過用之以施諸人，人又安有不過用之以反諸我。雖有極愚且弱之夫，忍受我之所施於一時，未有不茹苦飲恨，百計經營以求報我於日後。彼計不能抑且求人借力以圖逞矣。古今來此傾彼軋，我虞爾詐，莫不同歸於盡。以機施者必以機應施之，逾力應之者亦必倍其力。此其間氣機最捷如電之相吸，磁之相引，一觸卽發，有決不能倖免者也。

是故善用其機而得乎中，則因物制宜而地平天成，民物無不被其利。不善用其機而使逾乎中，則詭變詐僞，千瘡百孔，潰爛決裂而莫可收拾矣。時至晚近，機械變詐之術日益發展，而機巧私利之性日益發達。雖今之愚且拙者亦無不智且巧於古人，愈趨愈進，愈精而風俗教化遂不得不愈漓而愈下矣。然則處今之世，苟不欲自利以自保，則已如欲自利以自保，則與其因機性以

用機冀求僥倖於萬一。無甯減少其機。性克絕其機。心推誠相與人。雖不能盡從。亦庶無機械自陷之害也。不然試觀彼以機排人而去之者。人亦卒無不以機排之。而如其轍焉。今之世比比皆是。南海北隴。波譎雲詭之中。作法自斃。請君入甕。何莫非機之一字。有以害之也耶。

謹按 姬傳真人降先示詩一首。旗亭賭勝到來遲。大好新詩讓惠師。遠上白雲人不見。興亡說盡有誰知。適與惠遠師鬪詩。被老和尚纏個不休。幾乎失約。還是慧真來的早。今日要快意作點文呀。惟慧君公私奔忙。精神爲之疲頓。吾甚念念。示文畢。諭曰。慧真。咱今日者。篇文如何。末段倒拔的掉尾。似乎還有神龍餘力也。你們不誇。我再不可不自誇也。明日以示玄機。看他以我者一大段。凡機的話。說的對不對。星期六咱們不妨大放厥辭。而炎炎吐氣也。

至聖先天老祖說佛法世法

壬戌閏五月十七日

神之設教。無他目的。不過勸人勵修善行。以達大化之境。同歸本源耳。在神原無所分。萬殊還一。仍是同一。炁胞所謂某神某位。乃歸之於法。故佛度人有種。

種方便法門此乃依乎衆生根性而發金經曾言之若到大成法尙應捨何況非法此已顯不佛法爲法世法則皆非法也正法尙不應有所拘繫何況世法哉人世上固重世法然既入道門卽須捐棄一切世法至各人所積功德均爲本身家屬所應受報他人無從假借何況團體自無彼此之爭見矣只要實心毅力辦去何時何事不可積累哉一旦圓滿脫化飛昇其真正之樂趣非身歷者不能知其妙也諸人勉旃

約翰仙施受說 壬戌六月初二日

耶蘇基督曰施較受格外有福斯言也爲世界之真理凡遵從之者世界各人無不各受其利益

吾見世人但知己之利益不知人之利益故只願受而不願施何也私心之所累也人人皆存此私心則人人皆願受將誰爲施者乎人人皆不願施亦何從受之乎由此以往世界各人尙何能有福乎

上帝之意旨欲使人人有福有施者則受者有福矣受者有福則施者之福愈大矣且我今日爲施者他日或亦爲受者是我之福由我自造之也我昔日爲

受者今日即不妨爲施者。是人之福由人自造之也。人苟體上帝之心爲心。吾知施者必較受者日多。而世界無不利益之人矣。

今擬說古事一段以作比喻。昔年有一老者建屋一所。適一少年路過其處。貿然謂老者曰。汝年齒已衰老若此。此屋落成尙需年月。汝將辭世。汝未必能居住此屋也。汝既難望居住此屋。而汝今日鳩工庀材。費盡艱辛以建此屋。於汝有何利益。汝果何爲哉。老者倚樹答曰。余未出世之前。既有人蓋屋俾余居住。則余自當代人造屋。以便余辭世後。讓入居住。

吾聞老者之言。不勝佩服。是不爲私心所累也。是知己之利益。並知人之利益。也是能受即能施。吾料其格外有福也。

吾人受上帝之恩。所享諸多之安逸。皆人所施於吾者。吾人有負於人。不當努力作福以報答之耶。

Jesus Christ said, "It is more blessed to give than to receive". This is universal truth, which, when followed, would be beneficial to all men in the world.

I have seen that people of the world cares only for their own benefits, having no regard for the benefits of others; as a result, the desire to receive far exceeds that of giving. This is simply due to selfishness. If everybody possesses such a selfish idea, there is no one to give, except those who expect to receive. If everybody does not care to give, from whom can you expect to receive? Hence, how can the people of the world get their blessing?

It is God's will that blessing is to be given to every man in the world. when there is giving, the blessing goes to those who receive it. It is blessing to receive, then it would be more blessed to those who give.

For instance, I may be a giver today, and be a receiver in the future; this means that my blessing is planted by myself. I might be a receiver before, and be a giver today; this means that the receiver's blessing is planted by himself. If we act according to the will of God, we believe, there will be **more giver than the receiver, and everybody in the world would get the b-**

neft of it.

To illustrate the above points I will tell you a story.

Once upon a time, when an old man was busily engaged in building a house, a young man happened to pass by the place where the house is built. He thereupon rudely asked the old man, "it seems to me that you are very old and cannot expect to occupy this house, you may die before this house is finished. As you cannot expect to live in this house why should you take so much trouble in building this house? what benefit can you expect from it, and why should you do so?" The old man rest his body on a tree and slowly replied, "as someone had built a house before I was born, and I have lived in it, I now build a house for others in order that they may live when I am dead and gone".

I appreciate what the old man had said. He was not bewildered by selfishness. He knew his own benefits as well as others, and had a clear unde-

standing as to what giving and receiving really meant. I can predict he will be greatly blessed.

Through the good will of God, we have enjoyed much comfort which we owe to others, ought we not, then, to do some good in return?

姚姬傳真人寓言 壬戌六月初六日

汜水之東。灑水之西。洛水之北。黃水之南。有廬焉。蓋非尋常流俗之所居也。其山不極高而靈秀焉。水不極深而清瑩焉。人不極高而雅趣不減。林不極深而鬱茂不測。虎豹亦時游其涯。蛟龍亦時踞其巔。風雲時會而雷雨時作也。其不及九霄靈境爲天下第一者幾希矣。所以未然者。人未出而濟世也。蛟龍風雲之屬未能爲斯民作霖雨也。山林未修闢而超逸也。虎豹潛伏之類未能爲斯民除毒害也。然其基固芻具矣。一旦奮起爲世界奇景。以彙萬惠而躋康盛。不難也。噫嘻。今羣生否塞至矣。極矣。剝有復之機。否有泰之徵。斯廬之所居。寰境之所有。苟一移其騰拏奮迅之勢。爲蒼生作沛澤以覆載而照育之。則豈遠乎哉。豈遠乎哉。

謹按 真人示文畢。復諭曰。寓言勸人。斯卽人世所謂法人也。苟從斯言。不可限量。天意將在斯矣。人神渺隔。未便以不入耳之言相勸勉。故不得不故爲此不可解之語以諷焉。

孚佑帝君自述立教之宏願

辛酉九月初五日

予之宏願。漸有端倪。各教一體之新宗教。不但爲吾國之泰斗。抑且執全球宗教之牛耳。大願有希望。非予好多事。乃不得已也。自開闢以來。未有不信天地敬鬼神以補教化之不及者。人性本善。一犯外慾。卽不能自主。上焉者不難自覺。次則如水之就下。不可收拾矣。予之爲此。其境遇與汝等同。有笑之者。有妬之者。有破壞者。有力阻者。然予宗旨既定。志在必成。決不爲外人所搖動。須知作事不易。作善舉猶難。而創一宗教則更難矣。譬如 孔子 老子 釋迦 耶穌 磨哈木特。皆爲古宗教之領袖也。汝等試一查舊典籍。其始捐軀極多。因宗教而爭者尤甚。吾國固有之宗教。釋也。道也。儒也。其宗旨莫不純正。奈習儒者以干祿爲能事。仁義禮智不復計及其念念不忘者。僅爲脅諂笑以事其上。借此肆其詭譎手段。以吮民脂膏而填其無底之慾壑。習道者只知拿鬼。

論 著 李佑帝君自述立教之宏願

二十四

捉妖災穰祈福騙愚人之錢而已。至於道教之真義經典之奧理久已置之腦後矣。甚至宿娼賭博無所不爲。此兩種人無異盜賊爲社會害爲吾門羞。若不過之不足以示儆。所以驢也馬也犬也貓也皆彼等之後身也。至於佛教之徒更不堪問矣。守戒律者能有幾人。故予發宏誓大願創設新宗教。其宗旨雖復叩其精義爲善而已。本社命名卽取此意。





本要誌第一卷再版出書通告

啓者本社靈學要誌第二卷各期早經通告依次出版已承海內善士紛紛訂

購但本要誌之內容胥本神道設教之意多屬飛鸞化世之文喚醒人間各本


天良化劫救世惟第二卷與第一卷之內容前後均承接一氣今特將第一卷

添印全部多份以俾未購第一卷者得以補購庶前後貫串毫無遺漏之憾我

好道諸君願自第一卷起讀閱者請開明詳細門牌地址並將書價匯交本社

發行舍挈取收條隨即寄書決不貽誤

北京悟善總社啓



詩
詞

何仙 壬戌四月初一日

山深日午掩柴扉。隔院風來柳絮飛。閒與百花珍重說。商量何計阻春歸。

洪仙 壬戌四月初四日

昨夜風聲夾雨聲。愁人枕上夢魂驚。平明急問花消息。滿院奚奴掃落英。

平仙 壬戌四月初四日

乍寒乍暖落花時。日色昏黃上竹枝。世外不知春欲暮。白雲橫嶺看評棋。

趙仙 壬戌四月初四日

風急雲飛不辨山。杜鵑啼血動愁顏。庭前一夜花如雨。爲問仁人可忍看。

王仙 壬戌四月初四日

崇朝雲氣成蒼狗。便作風雷滿宇中。春老花飛情寂寞。閒看嵐氣變奇峯。

盧仙 壬戌四月初四日

酒香似入口中來。莫道春歸事可哀。且盡一杯滌煩慮。花飛還也有時開。

詩 詞

黃仙 壬戌四月初六日

夜來星朗氣初清。縹渺浮雲滿玉京。欲隱雷聲峯底伏。半斜月影嶺頭橫。
春深鶯老簧歌息。花落鶻啼酒夢凝。一睡三年效陳子。覺來參斗與簷平。

何仙 壬戌四月十五日

一陣浮雲幻大觀。剩餘青嶺對蒼嵐。途人爭向問消息。何處風光是漢南。

何仙 壬戌四月十八日

夏日清和雨淅淅。黃雲瀾漫正留鴻。哀人更哭王孫去。三海風寒野望空。

謹按此係預言黃雲留鴻三海風寒似有所指。

劉仙 壬戌四月十八日

秀色初開四野山。流成碧玉駐芳顏。回頭更問人間事。劫燼何年算到難。

韓仙 壬戌四月十八日

算來劫燼又三回。唳鶴聲中黯淡來。等是花飛慶嘉節。塵心底事泣蒿萊。

洪仙 壬戌四月十八日

天南天北共塵飛。立馬吳山尚未歸。漫說太平無個事。九嶷峰下燧烟微。

華仙 壬戌四月十八日

消酒無人解作詩。鶴蹤迢遞到來遲。獨擎酒勺尋詞客。潦倒金臺我是誰。

姚仙 壬戌四月十八日

戲把文詞弄串珠。縱橫小術竟何如。懸崖曾撒空空手。一陣玄風散萬殊。

桃仙 壬戌四月十八日

汗漫春深萬卉收。無聊多半在樓頭。楊花飛盡榆錢老。笑煞龍膽未封侯。

自註此借拗法。若膽字用平聲。則封字須換仄聲。欲就封字。故須用膽字。如唐南朝四百八十寺句如此。上句拗。下句也拗。當以此為正式。第三四字最要耳。

劉仙 壬戌四月二十日

山色浮遠明。綺霞散羣正。絕塞起寒烟。孤鳥歸飛急。星列碁子幕。牧馬暮嘶疾。樵翁獨來時。惟見萬峰碧。

請示 劉仙名號

日出東海。月上蟾圓。相聚已久。覲面何年。名氏在此。何必言傳。

謹按。同人疑爲海瞻祖師。奉示我劉海峯。非海瞻也。尙未證真仙云。海峯先生名大櫬。字才甫。海峯其自號也。居桐城東鄉陳家洲。生而好學。讀古人文。章卽知其意。而善效之。年二十餘入京師。當康熙末。方侍郎苞名大重於京師矣。見海峰。大奇之。語人曰。如苞何足言耶。吾同里劉大櫬。乃今世韓歐才也。自是天下皆聞劉海峰。然自康熙至乾隆數十年。應順天鄉試。兩登副榜。終不得舉。乾隆元年舉博學鴻詞。乾隆十五年舉經學。皆不錄用。朝官相知。提督學政者。率邀之幕中閱文。因歷天下佳山水。爲歌詩。自發其意。年逾六十。乃得黟縣教諭。又數年。去官歸縱陽。不復出。卒年八十三。無子。以兄之孫爲後。

小鶴仙 壬戌四月二十日

夏至日彌長。斜陽罩柳塘。春風猶未盡。翠袖晚生涼。

閩苑使者 壬戌四月二十日

野風颯颯起黃沙。初夏風光向暮賒。斷雁聲哀歸意急。秋風秋雨滿天涯。此詩三風。南風北風東風。而初夏之風。竟似秋風。風乎吾莫其測所以。

姚姬傳真人 壬戌四月二十日

破碎江山黯淡過局中黑白究何如文人不解英雄事只為蒼生落淚多

自註我輩作文雖屬枉然而近年人道漸昌果報之說亦漸明於世要亦吾人楮墨之微功也但使世風丕變殺戮滅蠲吾等又何事嘵嘵多口為斯神誕者哉噫斯誠可傷已諸人不辭勞苦隨吾等焚膏繼晷將來亦或有所償斯心不可有斯力不可無但期吾輩始終如一百折不回則於世亦豈無小補也耶

謹按是時適奉直兵事初罷 真人為蒼生落淚語意悽然

劉仙 壬戌四月二十二日

月色燈光兩不明愁人風雨戀春情百花又到茶蘼市樹影陰濃杜宇鳴

劉仙 壬戌四月二十四日

晚山涼欲盡遠烟含碧空歸客荒徑裏獨步向天風未解乘鸞者鞭虎復驅龍雲雷雖突兀險巖不可從仙人雖尊貴崇高安所容我亦携藜杖彳亍緩履蹤隨風到人間畫沙暢素衷以此衡之彼趣味將無同人苟得所適何羨隆準翁

詩 詞

小鶴仙 壬戌四月二十四日

金。曲。戊。留。誰。識。得。玉。玲。瓏。見。我。窺。清。笑。中。應。有。元。微。之。杯。裏。曾。逢。徐。子。卿。

自註。知。此。何。意。者。個。姓。徐。的。是。神。仙。向。那。飛。錫。化。鶴。類。去。查。自。然。見。他。我的。子。字。是。尊。稱。非。原。字。也。

闔苑使者 壬戌四月二十四日

暮。靄。起。涼。意。孤。雲。有。遲。心。山。影。淡。沉。碧。燈。光。遙。望。深。一。鶴。飛。騰。影。四。圍。寂。多。陰。獨。向。燕。臺。去。蒼。茫。失。古。今。

自註。學。六。朝。不。成。似。晚。唐。拗。律。矣。怪。哉。慧。真。君。得。無。一。笑。乎。

闔苑文司 壬戌四月二十四日

破。空。飛。來。彩。雲。一。縷。法。與。心。同。文。華。相。續。渾。然。燦。然。中。有。妙。緒。太。玄。洪。荒。與。以。共。趣。

陳仙 壬戌四月二十五日

日。影。移。磚。急。江。流。激。石。遲。山。僧。好。潔。癖。濯。足。武。陵。溪。

平仙 壬戌四月二十五日

種。桂。呼。龍。守。控。門。教。虎。看。漫。疑。毛。角。觸。風。過。兩。俱。閒。

楊仙 壬戌四月二十五日

落。花。時。節。惜。芳。菲。怕。入。園。林。百。感。非。一。片。郊。原。深。草。綠。江。州。胡。馬。滿。膘。肥。

自註將軍御風而來却恐今日諸生要刮飛了

謹按是時適慧濟君入門大風狂作

劉仙 壬戌四月二十五日

不。競。南。風。發。怒。號。大。江。四。月。湧。波。濤。道。人。拿。定。心。中。舵。一。任。船。頭。百。尺。高。

成仙 壬戌四月二十五日

飛。盡。楊。絲。碧。蔭。成。榴。花。強。半。又。分。明。閒。來。獨。臥。西。軒。下。淅。淅。涼。風。別。樣。清。

伍仙 壬戌四月二十五日

日。華。雲。影。共。溶。溶。仙。馭。歸。來。春。又。空。花。落。閒。潭。永。晝。寂。鳥。啼。只。在。庾。樓。東。

劉仙 壬戌四月二十七日

晚。氣。晴。逾。爽。夕。陽。淡。更。清。山。遠。浮。嵐。動。城。近。市。聲。繁。塵。襟。偶。開。豁。怡。然。卽。忘。情。

小鶴仙 壬戌四月二十七日

詩 詞

八

野寬星欲大。山遠峰漸小。暮鴉啼常急。胡馬嘶猶驕。空中孤雲去。人間歲月老。還過瀘水涯。西風正天矯。

姚姬傳真人 壬戌四月二十七日

皮裏陽秋紙。上文何妨談。笑快同論幾。齟兒戲過場。去春夢翩翩。說與君。

平仙 壬戌四月二十八日

清和天氣柳塘風。獨釣斜陽醉。壓紅三五游鱗。樂青藻細波。洄浪石磯東。

梁仙 壬戌四月二十九日

濃翠輕嵐野趣圖。居停人久去。蓬壺雲中鶴。背朝陽。色恍見紅榴。吐蕊初。

自註。奇錦新羅。人巧不如天上。鈎心鬥角。徒見其拙。試看滿池清漣。徧山蒼翠。造物果何功也。

平仙 壬戌四月三十日

屋近溪流。四面涼晚風。時送芰荷香。酒酣便向柳陰睡。不管游鱗來去忙。

自註。悟恆倒預知吾心。但此種詩近於野。偶爲之。猶恐見笑大家耳。

吳仙 壬戌五月初二日

漠漠遠山烟。飛帆渡黃浦。柳枝藏老鶯。春花渺何處。閒雲不爲霖。濃陰十畝許。
 憩談樂吾曹。悠哉尙誰與。

應仙 壬戌五月初二日

雲浮天際白。山送亂峰青。靜對參禪趣。相忘物外形。

平仙 壬戌五月初二日

石破穿雲出。泉閒雜葉流。一溪濃綠冷。小鳥語啾啾。

栗仙 壬戌五月初二日

山色重華水色明。滿天雲淨雁南行。空懸日月乾坤裏。辜負蒼生總愴情。

孚佑帝君 壬戌五月初二日

東風吹我到崑崙。脚踏蒼龍手挽雲。身健不須丹藥煉。心平何用智謀新。快來
 燕市尋杯酒。醉向人寰寫拙文。空有素衷誰解識。個中玄理獨聽君。

吳仙 壬戌五月初三日

肥山瘠水渺然居。控鶴人歸認舊廬。除是清風明月外。再無朋輩此停車。
 吾道子也。閒來不覺技癢。且塗幾幅墨痕。留與有緣人證鴻爪也。

謹按。吳道子唐陽翟人。名道玄。善繪事。筆法超妙。稱畫聖。玄宗時召入供奉。曾於大同殿寫嘉陵江。一日而畢。又善畫佛像。本社畫多係道子降筆。

小鶴仙 壬戌五月初四日

冉冉閒雲過。陰陰夏木滋。黃鸝一聲喚。白鶴九霄遲。

楊仙 壬戌五月初四日

青烟幾點中。遙靄橫遼東。鶴唳遠天暮。月明江樹紅。

李仙 壬戌五月初六日

竹密風聲緊。庭深日影長。北窗無個事。高臥傲羲皇。

楊仙 壬戌五月初七日

白衣蒼狗變須臾。堪笑吳牛見月初。一四六三風未冷。高樓雲氣尙模糊。

張仙 壬戌五月初七日

昨夜飛鳧向武陵。桃源陳迹未全湮。避秦人合洞中老。不逐漁舟問去津。

自註哈哈恐去亦無津矣。

馮仙 壬戌五月初八日

日。色。薄。黃。昏。蕭。然。水。竹。村。千。秋。亡。國。恨。往。事。莫。重。論。

謹按是詩意有所指。

小鶴仙 壬戌五月初八日

新。月。恰。如。鉤。風。和。暮。色。幽。一。灣。長。不。變。照。徹。古。今。愁。

闔環使者 壬戌五月初八日

暮。色。和。雲。淡。月。華。入。夏。新。飛。鴻。去。寥。遠。常。憶。未。還。人。

翰墨使者 壬戌五月初八日

烟。色。橫。斜。照。蒼。茫。萬。嶺。巔。懷。人。當。永。夕。聽。鶴。語。堯。年。

姚仙 壬戌五月初八日

揮。毫。一。一。寫。興。亡。萬。古。浮。雲。夢。一。場。識。得。個。中。真。款。竅。雄。心。無。處。可。商。量。

自註千百年只如斯耳而人卒不悟可慨也已。

何仙 壬戌五月初九日

蒲。節。纔。過。榴。正。紅。柳。陰。未。比。竹。陰。濃。問。君。何。處。宜。高。臥。蓮。沼。新。涼。趁。晚。風。

楊仙 壬戌五月初九日

山崖水澗徧尋人。黃叟掀髯孺子驚。幾向岳陽樓上望。憑空飛去鶴翎輕。
自註去者自去來者自來風捲雲翻江山不可復識矣

謹按是詩亦有所指。

李仙 壬戌五月初九日

小住人間又百年。常開籬落召羣仙。書籤壓架無堪讀。但覓蒙莊秋水篇。

應仙 壬戌五月初九日

疊石栽松不計年。撥雲窺日見青天。漫論世上興亡恨。爲問何人得上仙。

韓仙 壬戌五月初九日

結廬山裏五千年。不識伊誰是洞仙。一帚掃開雲萬里。教君兩眼認青天。
靜觀個裏象。默識絃外音。雲同不見日。草色接桐陰。

請示同字錯否。

上天同雲有所諭也。

漢漢壽亭侯關 壬戌五月初九日

幾度人間滄變桑。青城今又厄黃楊。石頭點破金陵峽。策馬如何亂渡江。

洪仙 壬戌五月初九日

立鶴溪頭罩晚烟。涼亭曲折著神鞭。清流也向人間去。惹得煩塵又百年。

懶仙 壬戌五月初九日

終朝說懶不曾懶。日向人間數十回。問我何因却為此。懶人今日盡如斯。

自註人人却說多病。向天津去住。其實與我們一樣的跑。我所說被逼的不算數。他大凡是忙過了。此後倒真正可以懶了。

孚佑帝君 壬戌五月初九日

醉臥雲頂俯人間。河流汨汨山廻環。青峯裂罅龍突起。須臾天地皆愁顏。腰底青鋒長尺八。欲試新鋤不即發。冷眼看他波浪中。颶風暴雨摧舟筏。九天激怒雷部將。一聲霹靂從空降。會看血染海中礁。一洗叢腥歸盪漾。橫行究快幾時心。鋤強制暴天公仁。成因作果皆如此。笑煞雲端倚劍人。

自註方從南海來。見雷擊逆龍。遽賦此耳。唉。強暴者亡。理也。人之恃其勢也。

獨不畏天報施耶。

小鶴仙 壬戌五月十一日

升高望。幾處斜陽四圍。山色塵寰擾擾。何爲者。痛哭蒼生。遭磨蝎。看那裏。伏虎縛龍。波雲幻盡。又曲折。都不管。金甌殘破。江山碎裂。噫。哀鴻滿地。誰念得。還我舊時面目。閉目不向天涯。窺測下山。罷沙中書字。稍洩悱惻。

余仙 壬戌五月十三日

雲氣蒸。蒼海風光滿。釣船柳陰人。獨醉石磴。鶴同眠。陶令南山咏。蒙莊秋水篇。此心常仰仰。天地一逃禪。悠然養吾生。非道亦非佛。動靜隨壻。璣升沉。視碌碌。用在蒲與蘆。蘭蕙傷其獨造物。無殊能真立。一字樸。

自註熟讀五千言者自知

平仙 壬戌五月十四日

荷蓋擎風。峙水中。游魚戲沫。任西東。採蓮人去。斜陽小。三五殘花墜粉紅。

張仙 壬戌五月十五日

晚日熱猶甚。輕衫汗背黏。蠅飛聞佛火。烟漲失爐檀。雲薄斜暉近。風微燕雀慙。

迴環讀經後一片屬冰銜

自註者個字甚冷。我以為你決猜不着。怎麼也猜着。豈非神乎了不得。謹按。乩書至冰字。慧真謂以下必係銜字。

小鶴仙 壬戌五月十五日

脈脈遠浦烟。熒熒室中火。靜裏觀天趣。宛然忽有我。

姚仙 壬戌五月十五日

月。黯。雲。橫。鶴。降。時。如。君。慧。業。幾。人。知。老。夫。猶。說。興。亡。事。只。苦。癡。兒。覺。悟。遲。慧。真。裕。真。你。們。來。的。很。早。吾。所。以。喜。慧。恆。悟。等。者。為。其。文。人。足。以。靈。光。相。契。也。正。少。知。者。而。裕。真。亦。屢。來。侍。此。吾。故。極。喜。詩。二。句。即。謂。君。等。耳。

華真人 壬戌五月十六日

遠山望不盡。午日正重華。一帶江村近。千家黎庶和。新開奇境界。復見舊阿羅。雙袖香烟好。飛來滿室花。

張真人 壬戌五月十六日

闔闔奇觀靜裏參。風聲雲色兩無端。潮流汨汨淹羣鳥。把釣漁人駐足難。

吳真人 壬戌五月十六日

又逐狂風過萬山。白雲足底去仍還。却疑身在靈霄境。開眼原猶滯此間。

余真人 壬戌五月十六日

來去匆匆水上鷗。無多伴侶共沉浮。濃雲蔽日風狂甚。何處高歌發酒樓。

吳真人 壬戌五月十六日

漫逐浮雲躡蹠來。室中樓閣罩塵埃。逢君莫話興亡事。舊日清樽足暫陪。

孚佑帝君 壬戌五月十六日

碧泛滄洋紅浴日。雙手重造乾坤來。環宇虫門誰解得。一笑天眼爲我開。快快去。歲逢甲甲與申先。憑君看亂流渡頭更相催。桃花敗衆雀還非。鷄非烏報平安。七注香重借青青草。綠蔓蔓。荒野間。人問我。我問天。憑君心事便是仙。昨日黃花未可憐。

汝等知否。

謹按是詩似有所指。

吳仙 壬戌五月十七日

人間荷葉如錢小。天上蓮花遍地開。願與諸君同把袂。水精界裏看樓臺。

馮仙 壬戌五月十八日

火雲飛欲盡。冰軸氣初升。隨意清風至。多情好鳥鳴。快心有杯酒。樂事屬詩人。來說無爲法。問君可耐聽。

蓬萊使者 壬戌五月十八日

微雲散。清漢疏。星明天末。遠烟縹。遙山牧火。流城闕。殘鐘出。疏林孤雲。隨草色。綿綿若爲情。還鄉心。杏蔑。

風徽伯張仙 壬戌五月十八日

漁火走江渚。淡烟籠遠樹。遙山青不斷。微雲歸何處。

自註、忽爾又露本代氣味。可笑也。因蓬萊子爲晉詩。老夫隨之。不覺亦爾也。

余仙 壬戌五月二十日

半載何曾聽雨聲。天心人意兩難平。可憐萬里黃河北。一片乾荒旱象成。

自註、今日諸天仙佛均赴上。清會議早劫事宜。各省弟子亦多誠心祈

禱本社何得默默。

馮仙 壬戌五月二十日

雲。駢。東。去。羽。旛。西。大。可。嘻。嘻。莫。要。啼。前。拍。山。歌。後。拍。唱。一。般。聲。調。不。須。疑。

顏仙 壬戌五月二十日

小。坐。雲。中。石。更。彈。絃。外。音。相。對。有。流。水。好。鳥。識。素。心。

閻環使者 壬戌五月二十日

日。色。青。松。冷。欲。浮。佛。燈。掩。映。隔。簾。鈎。流。雲。都。向。窗。前。過。留。得。輕。烟。別。樣。幽。

閻環使者 壬戌五月二十日

晚。霞。明。襯。夕。陽。紅。飛。鶴。沖。霄。近。紫。宮。捧。得。瑤。函。向。人。世。祥。光。繚。繞。劍。騰。龍。

黃仙 壬戌五月二十三日

天。意。蒸。枯。熱。人。心。造。旱。災。何。時。得。霖。雨。潤。澤。到。蒿。萊。

吳仙 壬戌五月二十三日

冰。心。常。冷。落。烈。日。未。敢。肆。炎。毒。葆。此。中。和。萬。物。春。寒。燠。千。秋。不。相。雪。竹。枝。何。珊。珊。石。磴。陰。凝。綠。放。懷。看。鶴。語。好。夢。不。須。覺。

自註非有落字。用二韻間叶也。

李仙 壬戌五月二十三日

碧海龍珠爭月華。深宵玄鶴下仙槎。空山寺影迷僧眼。隔岸人聲近酒家。落落遙村歸倦鳥。亭亭古木靜棲鴉。河流又逐北辰轉。點點飛雲散野花。

自註此近事。留以證之。

華仙 壬戌五月二十三日

旁觀早已爛樵柯。龍種雞栖又若何。一上灞陵橋上望。幾人閒步在巖阿。

孚佑帝君 壬戌五月二十三日

東風逐雲起。雲起蔽日色。大地塵氛無淨時。况乃風雲不可測。昨宵騎鶴上蓬萊。山鳥啾然向余哀。巢傾子毀不可訴。猶復列炬燒枯荻。余聞此言為太息。汝生胡不適所適。豈因畏苛政。抑為貪口食。天地廣漠不儉汝。居戀此磽瘠。胡為乎鳥答我語。苦非此毛羽未豐。去何止戾天無鳶力。圖南遜鵬志。受辱不敢辭。惟求免吾死。噫呀嘻。萬物皆貪生。强者嘒嘒弱。者呻誰為天。公勸此類暴者。羸者同茲仁。何須狂風苦作不平鳴。

自註。寓言有所感耳。懷中有物。非心非意。亂流汨汨。何所底止。虎豹滿路。行人裹趾。惟善能迴。天心永契。諸生但努力。善業勿生疑似。

李仙 壬戌五月二十四日

呵呵一笑出門去。手扯雲輪蔽日光。誤却蒼生望霖雨。狂情偏許辱文章。

馮仙 壬戌五月二十五日

濃雲薄日映蒼巖。化作甘霖幾點添。人事還如烟霧幻。敢驚天帝不相憐。

小鶴仙 壬戌五月二十五日

近水多楊柳。暮烟起村笛。佇看垂釣翁。含哺立江曲。魚兒不會來。濠梁但可息。亦知此中樂。泛泛猶經宿。

弼文姚仙 壬戌五月二十五日

老來文字轉荒唐。蔓棘天絲盡入場。願得五陵年少客。祇同楮墨共商量。

馮仙 壬戌五月二十七日

羃羃雲垂不作霖。赤城黃草可憐生。天公肯念人間苦。爭奈人心怨毒深。

劉仙 壬戌五月二十九日

斜風落盡素馨花。細粉輕香處處賒。僥倖多情蝴蝶子。滿拖花露到鄰家。
 王謝堂前舊燕稀。新巢改卜向河西。祇餘含笑拈花佛。月落烏啼未肯歸。

自註偶戲題耳

小鶴仙 壬戌五月二十九日

半壁江山一曲歌。年來失意事偏多。酒杯常滿佳賓少。恐是西陵未盡和。

閨寔使者 壬戌五月二十九日

春已去。夏又成。山鳥啼。嚶嚶樵子失路雲深處。幾點見寒星。怨不曾。愁不能。可
 是好鳥的聲音。括雜分不消。

鄭板橋先生 壬戌五月二十九日

看竹何須問主人。換書煮狗笑山君。而今猶憶西湖事。難得揮毫寫舊文。

姚姬傳真人 壬戌五月二十九日

欲說因緣先淚落。風雲奇幻古今愁。簡書猶在誰知畏。泣涕漣如更底求。

自註。唉。世人苦不悟耳。唉。玄子。濟子。淡子。今日難得暢會。亦定緣也。我數人

昔日同年。今日同道。異世覲逢。不可謂非奇緣也。古文一道。余三世服膺而

未能盡。自謂曾嘗個中滋味。今者又適值譚說紛紜。新體僞裁徧國中。古文於是又大壞。非如我輩二三有志者砥柱其間。竭力以圖挽回。則文敝而道喪。更無能爲昌黎者矣。

盈仙

壬戌五月二十九日


風。微。鳥。語。輕。日。薄。黯。雲。行。雙。屐。飛。鳧。處。萬。山。幾。點。青。

碧眼仙

壬戌五月二十九日

濕。雲。橫。盡。武。當。峰。笑。作。山。歌。舞。彩。虹。漫。道。甘。霖。慰。民。望。猶。留。愚。子。酒。杯。中。





金丹心法

此書爲八洞上真所著內言性命雙修之法理自煉已築基以至於成真證果分門別類次第井然其書宏博奧衍深切著明發前聖所未發共四萬餘言洵道書中之鴻寶秘笈也今覓得舊藏真本付諸剞劂用上等連史紙裝訂兩大冊茲爲普度起見以公諸世僅收回紙張印刷費洋四元四角外埠加郵費十分有志學道者請將書價郵費逕寄本社發行舍卽爲寄書決不貽誤

北京悟善總社啓



壬戌春日文會記

謹按壬戌文會兩次。(一)正月十五日題爲悟善社上元記。(二)二月十二日題爲百花生日賦。因兩次均係春日文會。故合叙爲一篇以記其事。藉饒興趣。惟上元及花朝。仍分前後次序。閱者鑒之。

姚姬傳真人於壬戌正月十五日降筆於北京悟善總社。談文之暇。命題曰悟善社上元記。囑諸人皆作。開文會以評定之。

同人等陸續交卷計十五篇

孚佑帝君降臨謂 何 姚兩弟。力稱佳文麗句頗多。故特來一閱評焉。諸人詩文大佳。可惜我無一字以爭此文會狀首耳。候 姚弟來閱卷。

姚真人諭諸君文章。儘有驚人句。可見此社人文之盛。吾新奉考試官之命。得謬加批閱。何幸如之。老夫耄矣。詩文壇玷。又僭主盟。拈髭大笑時。或不爲諸文

豪齒冷乎。帝師意欲吾宣榜。吾因老眼昏花。又無玉尺量其短長。勢必不得其當。有辜諸作者之苦心。但奉命在上。不能概以獎飾了事。必得一一詳批。始可覆命。

批玄機文云 玄虛道彝遠在天涯。時玄虛道彝均遊南昌以現勢論。汝等全社文字。皆

不如玄機。上元一作。尤推玄機。其局度簡老。涵蓄深厚。氣機渾然。足以上繼歐曾。而丰神閒閒。尤為大方。文中上品也。蓋妙在說耶教而已。自涵本題矣。出以閒淡之筆。所以獨擅勝場也。

批悟恆文云 悟恆獨能忍其豪放之才。屈就枯淡。而文度之暇豫。文品之質樸。古簡蒼秀。乃玄機一派也。汝之上元文。應得元將呼汝元元子何如。然文中尚不無小疵。宜與玄機細看。改去數句。并再去數冗字。便為完璧。

批悟真文云 悟真摹效玄機。氣概雖較為雄邁。而簡淡處終遜玄機老手。因此題容不得一些作氣。故悟真已是二乘也。

批慧真文云 慧真此文犯太實。章法微簡。而氣機自是舊日面目。神亦安閒。然較之前作。此稍遜矣。仍宜奮勉。鄙言亂道。不足憑也。

批立一文云 立一獨有文心

批玄涵文云 較昔為進

批善範文云 善範能勉為文此 帝師與吾所極喜。因本社文人少耳。

批學復文云 學復獨造一體近於諧戲。而實饒有淡情遠意。其文實不易多觀。吾所喜也。

批慧濟文云 慧濟文是長槍大戟。局度洋洋。正未易測。雖不見題。要當以奇格別論。不在尋常繩墨中也矣。

批傳真文云 傳真文極老到。足以伴立機矣。但下次為文。須少去神仙話頭。因頌聖體本屬俗套。最累文機。若連篇累牘。盡某神某仙。德望功績。救世覺民等語。覽之使人生厭。望之欲去。又何能感化人心耶。善奕者不談棋。善戰者不言兵。能置身局外。方能變換局中。最要由傍處或反面說話。方可聳動世人。若只說神話。他們焉有相信者。故宗教雖以神為主體。要須以人道。人事。人情。行之。歐美於耶教皆然。勿徒泥之也。泥者少功。神仙化世之文。亦不說善惡道德。往往因人而施。說功名。說利欲。說壽福。皆傍面反面。為人之所欲聞。故易

入人耳。動人聽。使人嚮往也。作文者須知之。

總之玄機獨擅全場。雖使玄虛道彝在此。未易勝也。

謹按。是題尙有五篇。因事後補交。未奉批評。其已奉批之十篇。均能各擅所長。美不勝收。惟本要誌既苦於篇頁有限。復以刊費拮据。未能一一全登。殊深歉仄。尙希諸同人宥之。茲姑刊錄一篇於後。

悟善社上元記

錢玄機

人有因時而傳者。如上巳蘭亭修禊之屬是也。時有因人以重者。如以耶穌降生紀年之屬是也。由前之說。亦第騷人逸士及時行樂者之所爲。詩酒流連。無預世事。後之人猶樂道之。由後之說。斯固有應運之主宰。而適遘此發展之時期。迨乎教化大行。挽回末造。而一溯其淵源。所自咸曰某年某月某令節。爲其發軔之始基也。噫。可以覘世運已。悟善社創立於己未之秋。越四年壬戌。而弼文姚仙適於上元日降筆。命玄機等作悟善上元記。將謂記悟善歟。則進德修業。不因時而異也。將謂記上元歟。則撫序感時。不因人而殊也。然而曷謂之記。則將大書特書曰。今之悟善社者。爲慈善團體。進而爲

宗。教。團。體。之。第。一。年。而。壬。戌。上。元。者。又。爲。神。人。感。召。相。率。從。事。於。宗。教。之。第。一。日。也。世。衰。道。微。邪。詖。日。恣。惟。宗。教。爲。道。德。所。自。出。足。以。濟。政。治。法。律。之。窮。故。歐。美。咸。重。視。之。况。吾。國。以。神。道。設。教。本。爲。數。千。年。歷。史。上。之。特。色。耶。今。悟。善。始。創。行。之。且。於。壬。戌。上。元。而。展。拓。之。後。之。人。撫。時。興。感。不。以。爲。崑。崙。破。敵。之。上。元。直。以。爲。銷。兵。啓。運。之。上。元。是。所。望。於。我。悟。善。有。衆。秉。神。聖。之。教。振。救。世。之。鐸。使。今。日。之。上。元。直。至。於。萬。斯。年。而。留。此。永。久。之。紀。念。毋。徒。以。火。樹。銀。花。效。一。時。詩。酒。之。盛。也。爰。泚。筆。而。爲。之。記。

姚姬傳真人於壬戌二月十二日降臨先示七絕一章。鐵筆生花春不老。瑤箋浮藻水成文。千年屈宋餘哀豔。留與河山納彩雲。並謂吾欲爲諸君春日游戲。添些興趣。命題曰百花生日賦。以良辰美景賞心樂事爲韻。游戲之文不妨莊半諧半佳者。吾當親書詩聯。作爲贈品。非獎也。不過秀才人情耳。

百花賦當推道彝綺麗手腕矣。宜寄題與之。慧真此次亦必勝利矣。但看玄機悟淡老手。此次能賈勇再奪錦標否。

今日奉 師命約 閻寰諸文仙來作韻事並特邀 吳穀人老友來伴芙蓉

城主及劉阮二仙真有花無文不可有文無花亦不可故吾與芙蓉主
管等同降固帝師之盛趣亦人世之榮興也我不長於旖旎文字故只好讓
穀老先生獨步耳

百花仙子降

管領春風百五朝千紅萬紫鬪瓊瑤願將花比詞人筆
媚媚端莊態各饒
余最重文人今聞君等有論文雅會故特來耳

同人叩問仙名

上苑曾司萬種花人間有訊到瑤華莫知姓字餘身外可有能文紀世家
芙蓉城主石降

班香宋豔各呈辭多謝生香筆一枝我為百花齊泥首贈將佳果潤文思
諸君為百花生色特公舉我為代表道謝却不用費荷錢一枚到是轉費人間
青錢買佳果來以便分贈也

劉真人晨阮真人肇同降

宏文館使者西堂梅韻樓使者蓮助櫻花館使者開生均次第降

栗仙示。吳穀人將到矣。因賦學別有特長也。姚真人特請其來者。蓋有助諸人興意耳。

吳穀人真人降

指揮楮墨爲奴婢。點染雲煙作主賓。一氣化成千丈錦。阿誰山野浪知名。特作傲語。諸君不當齒冷耶。蓋不挾此見界。則文無奇氣。而興味索然矣。姚仙強老夫來。又得與諸子爲文酒會。亦佳。今先略作閒談。

姚子過相推許。帝師復施恩派。而諸君子更相崇尚。直使錫麒無以自容。感荷之下。惟有勉效奔走驅使之役。何敢言品評耶。此種題目。欲求出色。須於莊中寓諧。情含於景。空中樓閣。必使之八面玲瓏。方足以陶性情。助談笑。猶憶吾年少時。曾作荷花生日賦。信手胡謔。如優人之丑白。惜強半遺忘。不然。好令君等一大噱也。老夫蚤年於此。頗曾嘔盡心血。今文字久已荒蕪不堪。何敢妄肆雌黃。貽笑大雅。鄙意欲求調。庾開府之靈來。說上乘之法。但以伊未。在閩寰。已經稟求。帝師矣。諸君可稍待。

庾子山先師降

磊。磊。巖。間。石。鬱。鬱。巖。上。松。清。風。迎。明。月。松。濤。起。蟄。龍。飛。來。立。鶴。羽。對。舞。松。陰。下。
 流。水。亂。鳴。琴。客。思。天。涯。峙。江。山。無。今。昔。幽。魂。獨。來。去。夢。中。長。見。君。夢。醒。人。何。處。
 穀。人。真。人。白。子。山。子。山。又。來。人。間。今。夕。何。夕。話。此。夙。緣。酒。當。盡。醉。文。當。成。篇。
 不。樂。無。歸。相。對。陶。然。

庾。降。賦。云。雛。鶯。滿。林。明。月。斜。侵。高。閣。○。○。芳。甸。輝。臨。還。移。箏。柱。更。屬。幽。吟。爾。乃
 花。催。鼗。鼓。鳥。轉。上。陽。春。風。一。度。獻。壽。千。觴。紫。英。與。白。雪。同。采。青。帝。共。花。神。並。王。
 三。朝。桃。藥。百。種。芬。芳。下。飛。燕。之。蘭。宮。入。麗。華。之。金。屋。羣。芳。假。日。似。后。娃。之。壽。○
 幾。朶。臨。風。如。會。稽。之。揚。○。懷。中。挹。馨。粲。然。流。綠。李。胎。聖。而。長。春。棠。含。笑。而。○。○
 欲。轉。昆。明。之。華。竟。歌。艷。陽。之。曲。

謹。按。是。夕。庾。子。山。先。師。降。乩。木。筆。雖。無。飛。舞。之。致。而。字。體。極。難。認。識。賦。中
 有。五。六。字。屢。書。屢。不。明。晰。祇。可。以。○。代。之。不。敢。妄。為。增。改。其。餘。之。字。亦。仍。多
 錯。誤。子。山。先。師。已。言。扶。時。字。句。錯。訛。矣。姑。照。刊。登。藉。留。畫。沙。之。真。象。而。已。
 哈哈。猶。作。故。態。未。免。笑。人。後。尚。有。數。聯。警。句。奈。太。長。吾。有。事。他。去。異。日。不。妨。續
 完。此。真。雕。蟲。不。值。大。雅。一。矚。也。穀。人。君。平。生。最。相。崇。拜。故。不。憚。前。來。曾。聞。此

處錢君玄機亦有意於吾。賦體清麗。極爲穀人君所契。吾誠樂此。惜時限甚短。可慨也。扶員尙可用。惟字句中不無錯訛耳。吾去矣。他日再相見。

穀人真人示 庾鬼仙已去。玄機君似此六朝清麗芊綿。與君相近。何如老夫所爲。蓋吾作總覺淺露。無古人厚味。（答此係時代不同之故）然也。畢竟子山先師迥爾不同。君等細繹其詞中意味。與聲調之間。自知非後人所能朝夕幾也。吾與君及諸子。今宵可謂暢快極矣。因此老一來。不覺振起多少精神。君與我及諸子。可足浮十大白。

同人等陸續交卷。計共十二篇。

穀人真人謂交卷甚多。吾與姚真人同爲諸君評閱也。

批玄機悟淡賦云 玄機君佳作。已拜讀一遭矣。寄情幽渺。自是香豔之才。允推詞人正宗。首屈一指。悟淡君淳厚典雅。讀之如黃鐘大呂。身分彌高。一望知爲有操守之老官。全篇前稍散。後則出色驚人。真名貴之作。與玄機相上下。此乃徐庾與韓蘇之別也。如歐陽子有秋聲賦。吾亦有之。後人論定。以吾得徐庾詞人正宗。歐子則古文家言。悟淡玄機之分。正復爾爾。

批慧濟賦云 甚有古意。得子山意味。自是生花之筆。但依吾見地。可直於地字韻。戛然而止。則餘韻悠然。丰神遠不可及。便是子山一流。余常於春陰末句云。結海棠之幽夢。自謂風神閑遠。君若止於地字。正復相似。至事字可押於轉韻之首句。或二句。事字上必用極豔麗之字面。極沉靚之神理。則末句益擅神韻也。畢竟文通後人。遺響不凡。老手也。將來必可先諸騷士。

批慧真賦云 慧真君甚風華。開盪有趣味。取辭命意。吾無間然。丰韻較遜。情致略差。是未常作之故也。若能肉豐於骨。趣遠於迹。則御風而仙矣。且將後三幅割愛數聯。融入前半。便成名筆。

批悟恆賦云 經營慘淡。欲吐欲茹。實亦難得。

批悟得賦云 情思芊綿。有吾等意。惟須再練耳。

批悟真賦云 悟真似我似我。可人可人。調格各有相近耳。

我今本欲再作數語。以時已不早。至覺平善。範憤覺等文。吾下期再評。所有吾今日所評。皆與玄機君同情。實皆其定論也。

姬傳真人白。諸生敬候多時。仍請再評數篇。

穀人真人白。吾已妄評。何必定加泛語。姑再評一二可也。

批悟澈賦云 信手拈來。自成丰韻。名下固無虛士。昔日靈根。依然如故。惟幾經世變。自然滿腹牢騷。所以名士名花生不逢辰。皆當同聲一哭也。但以文論文。自是詞章名手。舊日同人。幾多墮落。今日得遇慧澈兩君。覲面天涯。曷勝人天之感。特是生有由來。勿忘所自。返本還原。待諸他日。到功業彪炳時。切勿失昔日廬山真面目也。

批憤覺賦云 格律完整。層次井然。是能文者。

批善範賦云 清詞麗句。的是文人。

批覺平賦云 運筆如飛。不假宿構。文以情勝。亦頗可嘉。

批戚震瀛賦云 卽以伊句。娉嫋婷婷。齊整整二句贈之。

謹按是會奉 姬傳真人及 穀人真人所賜獎品甚多。或中堂。或對聯。均係亂筆。極可珍貴。不及備載。所有各賦。琳琅滿目。惜要誌篇頁有限。礙難全刊。茲將 真人首先批評之三卷。錄登於後。

百花生日賦 以良辰美景賞心樂事為韻

錢玄機

麗景晴光春日載陽人願長壽國名衆香主人乃開三徑進一觴金鈴爭護
錦悅斯張治幽賞於金谷通微詞於綠章駐一百六之春光肇嘉名以余錫
催廿四番之風信羌吉日兮辰良猶憶夫窮陰匝地殘雪封塵空林霧晚遠
樹風晨蝶胡爲而撲翠鳥何爲而喚春草未離娘都成舊迹杏雖嫁妹猶是
前身誰招倩女之魂迷離墜影試啓名園而望寂寞芳辰萬象昭蘇一元復
始宜春苑中披香殿裏養成煖氣和風產出嫣紅姹紫態盈盈而欲笑無煩
剪綵宮人步姍姍其來遲合是凌波仙子正值踏青時節池邊多寶相之粧
莫驚織錦工夫洛下擅園林之美時則紅杏門墻紫薇臺省帶雨猶濃迎風
愈靜如逢攬揆之辰併作齊年之請憶去年優曇入夢頓教西土皈依何今
朝色相重來仍舊東皇管領若論甲子何能留去日韶華值此歲時莫空負
一年好景則有名士流連幽閨供養折箋以游携樽而往敷爛漫於從頭拜
輕盈而合掌願千秋佳節年年稱晉嘏之觴祝十萬名葩處處注長生之榜
且聽鶯簧蝶板清歌如舞綵之歡何妨酒綠燈紅秉燭爲夜游之賞豈無蘭
蕙夏始桂茂秋深棠欹露濕菊傲霜侵襲芬芳之弱質撫時序之侵尋六月

荷。塘。亦。逢。初。度。小。春。梅。塢。獨。契。知。音。紀。韶。於。月。令。篇。中。舒。鬱。詎。能。一。例。數。
 繁。艷。於。羣。芳。譜。內。榮。枯。本。自。無。心。孰。若。茲。十。里。園。亭。幾。重。樓。閣。旭。日。初。胎。曉。
 風。破。萼。夢。回。再。世。之。因。心。踐。隔。年。之。約。到。處。列。錦。屏。之。色。酒。載。西。園。何。人。預。
 湯。餅。之。筵。社。開。東。洛。翩。翩。燕。影。都。爲。入。幕。之。賓。恰。恰。鶯。啼。似。解。添。籌。之。樂。無。
 何。春。意。闌。珊。花。容。顚。顚。雨。洗。紅。稀。風。過。綠。墜。懷。之。子。兮。一。方。寄。閒。愁。於。兩。地。
 可。是。徐。娘。半。老。莫。忘。綺。瑟。之。年。那。堪。杜。宇。一。聲。又。動。離。筵。之。思。織。成。錦。繡。須。
 再。尋。後。日。芳。時。開。到。醅。醱。已。了。却。今。年。花。事。

百花生日賦

以良辰美景賞心樂事爲韻

江慧濟

宜。春。苑。中。春。正。長。風。和。日。麗。滿。庭。芳。點。綴。園。林。生。趣。滿。始。信。天。工。造。化。良。維。
 時。二。月。已。半。萬。彙。俱。新。草。將。拆。甲。花。亦。生。申。分。嬌。紅。與。姹。紫。在。山。涯。與。水。濱。
 煖。入。三。三。徑。寒。消。九。九。辰。繽。紛。而。下。得。氣。之。春。則。若。奇。葩。初。胎。穉。穉。比。美。好。
 夢。如。塵。流。年。似。水。記。荆。楚。之。歲。時。作。大。撓。之。甲。子。嘉。卉。挺。生。物。猶。如。此。又。若。
 嘒。嘒。鶯。聲。翩。翩。燕。影。如。列。羣。仙。如。開。畫。景。飾。無。待。於。金。鈴。會。無。煩。乎。湯。餅。詩。
 歌。獻。嘏。風。詞。酒。祝。長。春。日。永。爾。乃。繡。閣。風。清。深。閨。月。朗。花。與。人。兮。比。妍。人。對。

花。而。懷。想。同。錦。瑟。之。年。華。洵。芳。時。之。可。賞。小。立。花。叢。悠。然。神。往。乃。祝。曰。春。光。正。明。媚。幽。懷。似。妾。心。願。花。長。好。人。長。壽。歷。盡。繁。華。無。古。今。又。祝。曰。天。之。賦。物。無。厚。薄。近。秋。者。悲。當。春。樂。願。花。無。負。好。春。光。與。儂。再。定。隔。年。約。花。欲。有。言。干。卿。底。事。正。脈。脈。兮。含。情。已。沉。沉。而。如。醉。杜。宇。一。聲。落。英。滿。地。

百花生日賦

以良辰美景賞心樂事爲韻


王悟淡

繙羣芳之舊譜。考令節於青陽。運鴻鈞以亨毒。稟靈氣乎勾芒。天地網緼際。錦谷含藹之盛園林。瑞謨頌春王。育秀之祥。采風紀花信。甘番素心。競吐介雅。來騷人幾輩。白眉最良。原夫花也。芬芳含茹。藻麗紛綸。蓄精凍節。絢采陽春。始一枝之初綻。旋四照而皆新。論其本則或草或木。或藤各殊。苞孕觀其態。則爲蕊爲萼。爲瓣分布。停勻錫之百種。嘉名香祖。暢懷於初度。話到一年好景。艷陽託始於芳辰。然而衆卉爭妍。四時鬪靡。榴則映日而分房。蓮則出汗而破蕊。菊寄傲而凌霜。梅迎寒而橫水。若以萌甲之期。用作生辰之地。亦如人世之介眉。各隨誕期。而叙齒。恐十二月司神有主。不勝絳縣之疑年。五百載。舊牒全湮。誰繼南山而頌美。是以花史頻翻。花朝自永。芳時雖各殊科。

春氣原皆共秉。揆之以日。正浴蠶撲蝶之初。挺然而生。值早燕新鶯之頃。霽馨在抱。佩來屈子之蘭。窈窕宜人。放出女郎之杏。恍似大羅天上。霓裳同詠。乎羣仙最宜。衆香國中。繡襦共娛。乎佳景是日也。園恍游梁。徑還開蔣。佳日布和條。風延爽。浴以五香之水。稟秀含英。衣以十錦之文。向榮滋長。玉妃謫墮。憐國色以推襟。香孩捧來。倩花奴而負襁。奏綠章於朶殿。晨光願借。輕陰護錦幃。以金鈴午韻。尤堪欣賞。宜乎韶華迭盛。風雅遺音。傳爲韵事。播入長吟。悵二分之春淺。報一索之情深。紫姹紅嫣。楊柳之樓臺處處。弧懸魄設。海棠之院落沉沉。肆啟瓊筵。聽三搗兮。羯鼓高燒。銀燭拚一刻兮。千金綽約。見天上仙姿。移情解語。頌禱進盤。中方勝並蒂同心。惜平生亦有涯。花還自落。悵繁景兮。須臾感精氣兮。銷鑠栽來。滿縣空想。河陽記徧名園。徒懷京洛。豈知意蕊晶瑩。心香廣莫。一春夢雨。笑時世之梳粧。萬朵疑雲。悟化工之橐籥。太真醉後。儘覺慙生。天女散來。何曾沾着。早識色身是幻。不須棗啖。安期好參妙諦。無言會見。蓮開極樂。士有觀化證空。齊物紀異。榮枯本自無心。造化各含深意。願花長好。經月且以留芳。歎生不辰。泛霞觴而盡醉。嘯鶴屢送。夫



一。春。花。事。
流。光。化。蝶。無。煩。於。載。記。莫。問。幾。生。修。到。永。葆。夙。蒂。靈。因。但。憑。微。笑。拈。來。了。微。
唱 酬



劉盼澹子道書三種

一曰 敲躡洞章 挈修道之範綱

一曰 濫熿易攷 講洛書之儒貫

一曰 道源精微 實修真之寶鑑

是書皆掃滌邪說淺近易知茲由本社覓得原版刷

印成帙每部六本定價洋三元

北京悟善總社發行舍啓



續放滄州鹽山急賑報告書 辛酉年

辛酉四月初間。前往鹽山一帶。施放現洋賑濟。所至各鄉飢民。概食野草樹皮。均有奄奄待斃之勢。斷非一次賑濟所能全活。曾將飢民所食之草料。帶回本社報告。同人視之。莫不惻然。况際此麥秋未穫。青黃不接。糧價大漲。各處飢民。因餓而死者。日有所聞。亟應設法拯救。爰集同志捐款。共三千七百八十一元五角。並承佛教會撥助洋一千元。又在本社救濟部提撥一千七百四十二元二角。再辦續賑。因前次施放現洋。而老弱羸病者。仍無法購食。故此大僅略帶現洋。餘皆盡購紅高糧。以期得賑者。即能粒食。然辦理困難。較前百倍矣。四月二十七日四時。偕廣德善。往悟止各社員。及劉慧毅之子誠之君。到天津。先是社員趙玄夷。赴津。磋商糧價。紅高糧每擔六元五角。運費一角。租麻袋七

分店內佣錢花費六分。是時來棧稱連日有雨。糧價或可稍減。故尙未定妥。惟據聞運費一節。因天雨路滑。恐難再減。

二十八日。雨甚大。不能運糧。故價亦緩議。但火車須早日預備。午後廣德冒雨至車務處接洽。將鐵篷車四輛預備妥貼。

二十九日。廣德悟止劉誠之三君赴滄州預備驢車等事。正覺與善佳在津監督運糧。下午偕趙玄夷君往慶元興糧棧議價。一再核減。每擔減去五分。以六元四角五計算。租麻袋費七分亦豁免。惟由糧棧至火車站之車費。因路泥濘。要求加價。復經磋商。仍照原價。每擔一角。店內花費六分。亦不能再減。當即議定。共購九百擔。合洋六千零二十一元。並訂立單據一包。運至滄州。如糧與原樣不符。情願重罰。一面將免費運照。交該糧店往車務處接洽裝運。

五月初一日午正。擬起程登津浦車赴滄。忽廣元興糧店來告。西車站鐵篷車尙未預備。當即詢問該站長。據稱未奉公事。不能照派。遂即往津浦總局收發處查詢。稱已通知總站。復往總站請其電知西站。站長允定糧到車有等語。即晚間該糧到站。仍屬無車。復與西站交涉。又稱正站長出外。不知情由。爰託段

長轉飭該西站。始允准明日派車裝運。於是運糧手續始完竣。然因輾轉懇託。頗費唇舌及時間矣。

初二日。正覺與善佳君到滄州。廣德等已與滄縣知事接洽。數輛大車。萬難辦到。因價格昂貴。又據稱同鄉等辦賑所來之糧食。至今尙未運往。每輛大車非五六元不可。以九百擔糧計算。運費總在四百元以上。困難殊甚。爰商之天主堂雷司鐸。因渠亦代華北辦賑務。情形甚熟。據稱極少運至鹽山。每擔四角。可將雇定運慶雲縣糧食之車。先運滄州。尙可辦到。然約計除二百擔在滄縣施放外。尙有七百包。亦須二百八十元左右。總覺太鉅。擬請廣德君先到鹽山。與地方官紳會商辦法。或能減少若干更好。

初三日。廣德君先到鹽山。正覺與劉誠之君。到滄屬董程家林莊一帶調查。卽住宿該莊。留善佳悟止兩君在滄驗收糧食。正覺等行至中途楊家莊。遇見一老婦臥在途中。呻吟不已。當卽下車詢稱係茅村人。五十五歲。夫兒均逃荒在外。余乞食鄰村。苟延殘喘。今患熱病多日。各村均不肯收留。祇得隨處露宿。數日不食。無人顧問。言時涕泣不已。當在藥囊中取正氣丸兩包。令其照食。又苦

無沸水。由劉誠之君乞諸鄰家與之。始得將丸藥吞下。另給伊洋一元。茅村離此處三十餘里。適由伊鄉人在旁聞之。願帶信伊族人來接其回家。可見好善人之所同。惜提倡者難耳。六時到董程家林莊。

初四日早。與誠之君同查董程家林莊。因誠之初次下鄉。俾得知其調查手續。以免寬嚴失當。滄屬以該舖爲最苦。與鹽山毗連。地瘠民貧。連年大旱。今年大風屢屢。被災飢民遍地。所食均屬野草樹葉。至爲悽慘。查至傅程家林莊。有二老者坐臥於地。村人環覩。詢之。稱最老者係劉銘。年近九十。次老者劉銘之子劉馬。亦六十餘矣。父子兩人均係獨身。滄州信橋人。去年逃荒在天津。此次因父病。雇騾扶送回家。道經該村。病勢沉重。不能再行。暫此休息。本村有表姊邵張氏。卽通知前來料理。察其情狀。亦危在旦夕。卽給藥費一元。並令邵張氏暫留。如病故再給棺木。又戴序均朱立華皆闔家全病。情形可憫。當一一分別給資。並囑其來取藥。晚回寓求藥者紛紛而來。均一一詢問病狀。按戶發給。接廣德君函。稱運糧大車。商之鹽山官紳。更無辦法。已通知善佳君等。速與天主堂賈先生商定。照每擔四角數運來云。

初五日正覺查五龍塘等莊亦非常之苦。有馬趙氏年老眼盲。寡獨無依。刻又患流行病。幸尙有出嫁女一人。回來侍奉。母女兩人同居一小屋。囑其將食物呈驗。稱母病不食。伊因母病在炕。不能出外採草。今日水漿尙未入口。驗之果然。卽給洋一元。囑其先行購食。並爲其醫治。所至各家。數日不舉火者十有八九。均以野草樹葉泡出苦水。捏成團子而食。又每家門口。不是泡野草之綠水。滿地。卽採取各種樹葉盈筐。宛似南方養蠶人家。桑葉滿地之景象。以蟲類之飼料。而爲人之食品。不勝悲感。五時往查卜老莊。至中途適逢雷雨大作。不能前進。在王家莊避雨。頗覺寒涼。七時雨止。祇得回寓。求藥者又盈門矣。據稱所服正氣丸等藥。頗見效。因鄉人向不服藥。見效益速。尙有一種小孩。因食野草。秕壳停積在肚。是以腹脹而痛。其形肚脹如鼓。手脚細如麻骨。飢餓且病。不亦慘哉。

初六日正覺查卜老莊東官莊兩處。有趙龐氏寡居。因採榆樹葉跌傷。行動不便。益覺困苦。爰優給糧食。並施以藥資。該處鄉間婦女均纏足。每見傍晚。往往各婦女上樹採葉。樹枝搖搖欲動。危險異常。然因救飢。雖險不避。但纏足上樹。

其不跌傷者亦幾希矣。又賈林之祖母李氏。年已九十六歲。扶杖來。稱人口衆多。時時挨餓。龍鍾白髮。受此飢餓。實屬可慘。當經給洋一元。又張孫氏病重。亦給藥資一元。事畢起程。甫出村門。不及半里路。第一隻驢子驟見前面有人肩蘆蓆一大卷。因驚卽亂跳。車由田隴翻下麥田。所有掌鞭及第二驢子。均在麥田內。正覺倒在車內。右足脛被搓傷流血。幸頭部未傷。劉誠之君在家填發糧票。又各處來求賑者甚多。合計留給滄縣祇二百擔高糧。業已放完。不能再發。婉言却之。將來令其到鹽山來領。

初七日。劉銘之子劉馬。以伊父病危來求棺木。爰將買棺木洋三元。當面交與舖董代收。俟病故時照給。另先給費用一元。又何呂莊鄉正副於查過冊子上。私自添入五戶。卽將該五戶票扣留不發。以爲一般冒領者戒。下午到鹽山。得閱廣德君信。渠一人在褚馬舖查放。辛苦萬狀。卽商明誠之君。卽刻發往帮理。晚善佳悟止兩君來。稱糧食已如數點收。糧與樣相符。仍請天主堂雷先生帮助。始將大車雇定。祇得五十輛。先來一半。其餘俟到後。再運第二次。並稱在車站。過磅點數寫票交價種種手續。幸有兩人。否則實難兼顧云。

初八、五十輛運糧車陸續到齊。按票點收畢。各車夫要挾加價。不願再運。雖一再開導。祇有半數願去。其餘概不肯再去。種種托詞。夫頭亦莫可如何。內有一二刁狡者。竟敢鼓動全帮不運。非加價不可。實屬可惡。悟止以慈悲之心。苦口勸勉。不聽。竟向其一揖。依然不允。此等冥頑不靈。非嚴懲不足以示警戒。正覺忍無可忍。立即函致警察所。派警二名前來。將刁蠻之兩車夫。押往警所拘留。於是各車夫始肅然不敢再抗。均各領旗票續運。下午東帽圈舖來求賑。據稱情形甚苦。此時最關緊要。每戶能得一二十斤。即可度過麥秋。不致餓死等語。察其情節。非常急迫。允俟明日往查。晚誠之君因在褚馬舖水土不服回來。一面商請善佳。明日前往。以便襄理。廣德查放。

初九日。正覺悟止誠之。因往分查刁家廟張相莊東帽圈舖各莊。正覺誠之。查至夜十二時半始畢。回寓。在楊帽圈查畢後。有白髮蒼蒼老婦跪在門前。喃喃哭求。祇聽其說。今日媳婦乞得餘糧送來。見我數日不食。臥在炕上。因之相對而泣等語。後細詢悉該婦係董高氏。有一子一媳。子逃荒在外。婦乞食城中。數日得有餘糧。即送歸養母。倘不歸來。祇得忍餓。今年已八十五歲。眼矇腳軟。不

能乞食四方。後令鄉人將伊媳傳來。詢之果確。即給洋一元。並給糧食。囑其時存孝養之心。將來必有賢媳以報汝也。於是兩婆媳均感泣而去。時已八句鐘。因該舖尙有一莊名韓橋。本擬回廐。明日再查。繼思今日不查。明日不能給糧。豈不令飢民多餓一日。不若犧牲我輩三時之飢餓。即可免多數飢民一日之餓。決定乘夜往查。幸有月色。尙屬方便。查畢回城。約有八九里路。深夜頗寒。單衣難忍。正覺向來畏冷。祇得將車褥裹體。回家已十二時半矣。

初十日早。紅糧二百餘擔。如數運來。點收畢。將日前刁蠻之車夫兩名。函請警察所提釋。領糧者已羣集門口。卽飭棚匠搭蓋棚廠。將領糧各村挨順次序。每村內村正副帶同十人一班。進內憑票領糧。正覺收票。悟止站立門口。唱名。魚貫而進。秩序井然。毫不紊亂。均各稱便。並雇斛手四名。輪流量斛。迅速非常。自晨至酉。始放畢。共放一百五十餘擔。遇有老幼婦女者。均提前先發。尤覺便利。惟因病求藥者甚多。在發糧之際。不及細察病情。誠恐有悞。後商請悟止代爲診治。施藥（悟止醫道甚精）一面與該縣德生堂藥店說明藥方。上有此間圖章者。概由本處給錢。於是悟止卽在院內設棹診治三十餘人。其家中有患時

病者。仍分別給予正氣丸等類。是日亦忙碌萬分。幸天主堂自司鐸以至夫役。均襄同辦理。異常出力。深爲可感。是日誠之往查大王舖各莊。十一日。監視放糧。而村莊來求賑者。查明是否真苦。分別辦理。查大王舖共十一莊。除誠之查過最苦五莊外。其餘聞已極苦。已商請誠之明日再往挨查。又聞河洛莊前後兩村甚苦。鄉正副來求賑照准。凡來領糧者。每稱此種高糧甚佳。爲此間所無。市面普通所購者均次之。

十二日。正覺往查河洛東西兩莊。該莊三年不收穫。逃亡過半。房屋拆毀者亦居多數。詢之鄉人。稱每向城中舖戶借貸一元。每月納利一百五十文。利錢雖大。尙難應手。倘能在該縣設一無利借本處。救活貧民無數矣。誠之往查大王舖各莊。查至連我家。聞室內哭聲甚哀。入內查視。悉連我妻甫故。殮畢無資埋葬。卽給洋一元。並給糧食。

十三日。誠之悟止分往查趙莊賈家牛等莊。正覺在堂監督放糧。鄉人來領者咸稱悟善社在此放賑以來。運到許多高糧。因此糧價漸落。每斤落價五文。得賑者固有度活。而一般貧民亦受益不少。故賑米勝於賑現洋者多多。下午廣

德善佳由褚馬舖查放各莊舉回城。稱該舖苦困最甚。麥秋絲毫無獲。幸此次前往賑救。否則不堪設想。

十四日正覺往小牛莊董家牛莊等處。該莊雖苦。但近日略有收麥。尙可支持。卽將最困苦及逃荒新歸來者。分別給發。廣德等在堂監放糧米。連日共發去糧米五百二十餘擔。

十五日善佳誠之往查李肖莊大傅莊。廣德悟止往查邊務舖七莊。正覺在堂監放糧米。求診者甚多。囑其候悟止回再診。其間有一種小孩腹脹及脚軟者甚多數。詢之則食秕壳者腹脹。吃野草者臉腫脚軟。此種疾病。斷非服藥所能見效。須從根本解決。故前次滄縣有上海佛教救嬰會會員羅君鼎生到來。專給養嬰費。每孩每月兩元。以八個月爲度。雖不能普及。究屬救活多數。惜鹽山未曾辦到。以致小孩病者紛紛。如能有善君子集資專養嬰孩。能以養至大秋收成後。大約救活者必不少。否則小孩無辜。因病而死。又不知若干人矣。

十六日正覺廣德善佳分查西褚馬舖十莊。所查各莊患流行時氣病者甚多。惜正氣丸等藥已分完。囑其來診。又因病不能行動。聞其一種呻吟之聲。令人

悽惻。老幼固屬滿面菜色。卽壯者行動亦多軟弱。毫無精神。詢之各莊。均稱該處饑地。向來瘠苦。兼之數年顆粒無收。專賴各處賑濟。稍延殘喘而已。回寓計算糧食。祇剩一百餘石。擬放之城廂內外。

十七日。廣德往查附城之紅廟舖三莊。正覺誠之分查本城中西東三隅。城內亦甚苦。較之鄉間專吃野草樹葉者。略勝一籌。晚廣德回寓。因太勞屢受風熱。患寒熱頭痛。請悟止診治服藥。

十八日。正覺誠之悟止善佳分查城外各處。下午放糧。附城各處患時令病者亦甚多。來求診者不少。一一由悟止診治施藥。復診者稱服後頗見功效。廣德寒熱未退。昏沉一天。正覺下午略患水瀉。大約水土不佳。因食水太鹹之故。悟止夜半忽患霍亂吐瀉。卽服正氣丸。至天亮後稍止。各同事均因連日出外調查。感受風熱。兼之夜間蚤跳。清晨蠅擾。不能安睡。眠食失時。精神困軟。以致於患病。

十九日。正覺善佳分查附城各莊。城外較城內尤苦。分別給發糧票。惜糧食所剩無多。祇得酌量勻配。有鄰縣慶雲天主堂蘇司鐸來坐談。及該縣比鹽山更

苦。連旱三年。餓死者時有所聞。幸有上海廣仁堂華洋義賑會分別救濟。得度殘命。惟該兩機關當時各認定救濟若干村。廣仁堂所認之鄉。刻已停止。况又係極貧之戶。賑款既不接濟。而秋收尙待三月。枵腹之人。將何以堪。曾日覩將枕頭內之臭糠。驢屙內之敗糞。磨而食之以充飢者。屢屢矣。又見途中有一老人在井旁倒下。圍觀者甚多。詢之鄉人。稱該老時常挨餓。家中祇有木扁擔一條。今日帶往城內出售。臨行時並未食物。大約將以易糧。今扁擔尙在身邊。必因不能售去。因飢而斃等語。以上均親目所覩者。而姓名則已忘却。如能將廣仁堂所認定八十四村。每村以極貧迫不及待之最苦者約四五戶。每戶能賑濟三四元。便能支持到秋收。共計亦不過一千餘元。可以救活無數人矣。貴社能來救濟。則功德浩大云云。然查慶雲由鹽山去。旱路尙有七十里。交通既阻。携款又盡。無可爲計。惟蘇司鐸所稱各節。尙屬易辦。望慈善家一注意焉。

二十日。各事畢。起程回滄州。查此次運糧。以及存糧地點。發糧手續。幸承滄州賈司鐸。鹽山張司鐸。襄同辦理。始克妥洽。葢事深爲感佩。否則正覺等人地生疏。滄州尙有協進會紳董照料。鹽山則一無協商之處。放糧手續又繁。萬一稍

有錯誤。何以自安。下午到滄州。善佳與誠之即日押送麻包先赴天津。交回糧店。是日晚到津已深夜。通宵不睡。正覺與廣德等到協進會提取前次放小米麻包五百隻。

二十一日、搭津浦車到天津。隨即轉京奉車來京。正覺因受暑熱肚瀉。到社頭暈不思飲食。服藥休息。計此次在外前後共二十四天。調查滄鹽兩縣一百零三村。計五千二百九十二戶。放糧九百擔。

附收支賬單如左

謹將滄鹽急賑收支款目報告

公鑒

計開

- | | |
|--------------|---------------|
| 一收佛教籌賑會助洋一千元 | 一收莊仁松善士助洋五百元 |
| 一收廣濟寺經募洋七十四元 | 一收全眷善士助洋三十元 |
| 一收周錦蓉善士助洋一十元 | 一收未來悟性比丘助洋一十元 |
| 一收張詠寬善士助洋一百元 | 一收陳謙甫善士助洋五元 |

一收錢玄機助洋二百元

一收江慧濟助洋一百元

一收夏玄虛捐洋五百元

一收陸慧依捐洋三百元

一收陸悟慧捐洋三百元

一收袁鎮覺捐洋一百元

一收袁鎮淑捐洋一百元

一收張慧真捐洋一百元

一收陸愛覺捐洋二百元

一收朱靜真捐洋一百元

一收劉慧毅捐洋二百元

一收朱定真捐洋五十元

一收柴登真捐洋二百元

一收柴鏡真捐洋一百元

一收諸翼真捐洋五元

一收林玄涵捐洋一百元

一收魏廣法捐洋一百元

一收趙振玄捐洋五十元

一收趙玄夷捐洋二十元

一收王悟淡捐洋二十元

一收吳登善捐洋十元

一收無名氏捐洋五元五角

一收四月十四日聖誕份金撥入洋一百九十二元

以上共收洋四千七百八十一元五角

一支高糧九百擔洋六千零二十元 有單據

一支由津運米到滄庫底錢 滄站長收 洋六元五角 有單據

一支由滄州運往鹽山 計糧七百擔 每擔運費四角 洋二百八十元 有單據

一支由鹽山運麻袋到滄州火車二輛洋六元

一支賞車夫洋一元

一支由滄州運麻袋到天津運費車力等洋八元八角

一支賞量米斛手等洋一元九角

一支運糧護照貼用印花洋一元五角

一支社員五人當差一名在鄉調查大車等費共洋六十八元 有細賬

一支各員往來上下行李車力零用共洋十九元五角 有細賬

一支各員伙食燈油雜項共洋六十九元五角 有細賬

一支施給貧病各戶共洋十五元 戶名如左

王趙氏 戴王氏 馬趙氏 賈李氏 楊李氏 張王氏 劉 銘

朱立華 趙龐氏 張孫氏 董馬氏 張李氏 劉金篆 劉德全

張啞子 每戶給洋一元

一支棺木費洋十二元 戶名如左

劉銘四元 張福桐之妻四元 楊氏三元 劉連莪妻葬費一元

一支在鹽山施藥並購藥等費洋十四元

以上共支洋六千五百二十三元七角除收入捐洋四千七百八十一元五角外由本社救濟部撥支洋一千七百四十二元二角

謹按本社前放鹽山一帶急賑。已將詳細情形具列報告。登載第四期要誌。辛酉四月十九日。本社開。並將該報告呈奉。壇諭。正覺廣德學養辛苦矣。並諭正覺君。近日爲災民放賑救急。鹽山災民均得霑實濟。皆君之細密調查。步步着實。豈非君夙夜不辭勞苦之功耶。日後有往遠方急賑。必須正覺君督率。此乃誠實感動上蒼。此番在半途未曾遇險。因在社未起程時。帝師已派吉神佑護。如長能照此濟急之心行去。日後必得福報。諸生亦宜學而行之云云。於時同人因周君回社報告饑民情形。慘不忍聞。復行集議籌款爲續賑之舉。認捐者多蒙。帝師嘉獎。如莊君敏真奉。何仙批示。莊君今能發大宏願。慷慨樂善。一念之動。已感格。上蒼矣。可載錄轉告莊君。

日後常久不退。善功更彌固矣。等語。嗣賑款湊齊。仍請周君正覺前往施放。惟周君以前次來往辛苦。且途中幾受危險。頗存疑慮。復於四月二十四日奉 顏仙諭。正覺此次前往。決勿疑慮。帝師已檄吉神佑之。然調查災黎。須親自勘放。以免當地團董保役之弊。切切等諭。足見 神靈於賑災格外鄭重。而周君之辦事幹練。又爲神所特許也。周君於四月二十七日成行。五月二十一日回京。此次同去者桂廣德。吳善佳。索悟止。劉誠之。共五人。



善

業
續放滄州鹽山急賑報告書





樵陽經


是經乃三天秘旨由 純陽帝君與

許祖都仙授之樵陽有 純陽帝君及

白玉蟾仙師各序此係江西洪崖道院

寄售每部價洋壹角

北京悟善總社發行舍啓



記事

壬戌四月初四日

謹按是日奉直戰事。相持激烈。同人雖相約到社。而砲聲迭震。不免張皇。

帝師特請 儒釋道偕臨。命開三壇。曰儒壇。曰道壇。曰佛壇。同時並舉。儒壇

派悟真悟義侍焉。道壇派翼真悟慈侍焉。佛壇派悟得誠覺侍焉。儒壇由

帝師主之。道壇由 凝陽帝君主之。佛壇由 燃燈古佛及 南屏濟祖主

之。甚盛舉也。佛有 燃燈古佛 南海觀音大士 彌勒佛 南屏濟祖。

其前導為淨慈尊者 淨慧尊者 淨意尊者 淨性尊者及 十八阿羅

十哲尊者。而 護法迦藍關聖帝君亦帶同 關周二將軍至焉。至 帝

師前導。則有 洪仙 李仙 平仙 趙仙 何仙 姚仙 衛仙 王仙

盧仙。帝師因同人無驚慌之色。特別開設三壇。並 示云。吾試諸人

有定力否。其實儒道佛三者仍一也。蓋 帝師藉此一資鎮懾。又以仁字關

端。風字結尾。為酒令。於槍雲彈雨之中。猶有閒情逸致。亦鎮懾之一端耳。是

記 事

日 儒教贊 道教贊 佛教贊 儒分贊 道分贊 佛分贊 降臨時。凡字多不可辨。守壇仙謂皆蝌斗漢篆。梵文符體。惜未能錄出。餘均分別記載。力求詳贍。惟三壇同時並舉。敘事頗難。既未便顛倒後先。致滋紊亂。尤不敢強爲穿插。或失本真。茲將是日三壇大略情形。先挈綱領。撮要編入。於按語中次以儒道佛三壇。分爲三段。各叙各壇之訓諭。俾醒眉目。非變體例也。閱者幸注意焉。

儒壇

孚佑帝君臨

噫。時運如斯。神人預料久矣。噬臍遺履。悔將何及。本帝爵諄諄勸告。已非一日。欲合人力之誠。挽回大劫之末。無如人心不古。勸化寡效。我立機慧濟慧依等。率領所屬。日夜奔走呼號。卒不得萬一之效果。毋以人心既壞。難以倉猝收拾。耶。唉。吾故於事前再三相申。更留悟淡悟真悟恆慧真等爲本社靜定派。作進行派之後盾。且所以保存本社之固有。以圖將來之續進。後難方長。用人各有分界。故吾於此每詳慎致意。惟恐有所不逮。諸人百折不回。皆立機慧濟慧

依之苦力也。玄機不恤身體。吐血不止。而前進亦不止。慧濟勇於周折。毫無畏怯。慧依奔走京津。盡勞盡怨。凡是行動。固非爲一家一己之私。諸人當力求所以輔翼而相成之者焉。吾今特請 儒釋道三贊在此。神界無私。欲各設一壇。各抒其救民之意。同時舉行。以與諸人互相磋磨。以求盡善盡美。救浩劫於萬一也。

前彌諦所以救世之道。與悟真所稟。如出一轍。惟二人向不謀面。所有仁心誠意。不啻相商。吾等仙佛。固已知其究。畢竟彌諦有大雅之遺。足與言救世也。悟真年少妄論。諸人宜諒其心。

吾常謂世間人類爭存。至今日而益烈。空中神意。幾無由推測之。天帝既已明告山川。屢頒訓誡。欲事之速效。而又恐功之難成。屢不以足。豈知尺寸之大。小筆猶如昔。漫言天壤之睽。違。惟玄機慧濟。依能存仁心。一意進行。天地無私。惟仁是助。吾欲汝等協力爲之也。

汝等竟膽小麼。此中有定數。不可逃也。隆隆然有幾時耶。汝等經此。便手忙脚亂。此所以不如神也。汝等但以愛民之心。行愛民之事。我保管無他礙也。

汝等不必心慌。咱們行個酒令罷。以四書上仁字開端。以風字結尾。要一句唐詩現成的爲句。但是交卷不許遲。遲則罰酒。

汝等速速交卷。唐詩不乏佳句。風字甚多。何不一涉想也。如老杜杜鵑聲裏有春風。南疇雨霽試東風。萬紫千紅盡好風。此皆詩書所罕見者。其常見之風字。猶如現在之砲風。其不堪動人聽聞也亦審矣。亂羽飛來盡破風。狂箭飛來便遇風。青羽飛雄豈雌風。大王自抵有雄風。漢祖不羞歌大風。此等類抑何多耶。

仁者無敵。石鯨鱗甲動秋風。 錢玄機

仁者靜。柳絮池塘淡淡風。 江慧濟

仁民而愛物。不及石尤風。 王悟淡

仁者先難而後獲。大王有雄風。 王悟真

仁者不憂。布帆無恙挂秋風。 張慧真

仁者靜。紅蜻蜓弱不禁風。 陸慧依

仁能守之。水村山郭酒旗風。 林玄涵

仁者壽。落花無語怨東風。 林覺平

仁者以財發身。潮頭欲過滿江風。戴學復

仁以爲己任。能者操舟疾若風。蔣裕真

仁在其中矣。茶烟輕颺落花風。梅悟功

孚佑帝君批。吾藉此遊戲。以定汝等之心耳。咱們這許多仁風。可以抵禦砲風矣。

道壇

凝陽帝君李拐仙臨

吾來了。吾來了。今日汝師爲救時劫。特請三教聖人同來。研究解劫良策。吾

亦忝列末座。故先上來一現也。汝等知吾是何人。我確是老拐也。

吾有救急之策。公諸衆賢研議。如可行。我不貪功。不行付之一笑可耳。

哈哈你們何事驚慌。砲來了麼。早知今日聞聲害怕。何不亟早實心盡力的設法化解。使者時候砲不出聲。槍不離壳。這才算得是真正救民救世的本分。試問此番末劫。已早言之於三年前。原望逐漸化解。挽回人心。各捐私欲。以維根本。免至動搖。不料兩年來壇述勸世文章。不在少數。奈人心沉迷。終難覺悟。徒

費無限光陰。許多精神。人神忙碌。日無暇晷。豈知直到今日。仍無結果。致此劫禍不能免。事已至此。尙復何言。前者已矣。今後維持之責綦重。正當虛心採納。以圖補救於萬一。此時汝等應以道德上之本分。從事救濟。被難良民。但須各人發願。親身督促。實事求是。不容假手他人。此時立功。尙不爲晚。或有一得之愚。亦可以贖前愆。諸子皆有善根。且今生下世。各皆負有重命。此時急起直追。尙不失爲純翁培教有年之高足也。幸告勿再蹈入政治漩渦。則吾道門之大幸也。

昨日翼真默朝之際。哭訴天廷。懇求減輕民劫。情實可嘉。諸神動容。各皆爲之酸鼻。當由在侍全體神祇。跪稟代求。奉天帝諭。吾昨在班。故聞如此。特以示知諸子也。茲將天帝諭恭宣如下。

天帝諭曰。前以人心惡極。當受慘禍之報。經巡察文武諸神祇會同各仙府彙案早稟。經發交孚佑上相詳實核復。並經翊漢大帝聯銜稟復。正核定間。復經南海大士。籲懇再予減輕。以裨衆生。亟早省悟。免受劫報。故又將原案發回。孚佑宮重行審核。擬候判准。至前月底始經孚相核定具稟。當

於是日勅發。各文武神依法執行。是吾憐憫衆生。不爲不重。此時既經執行。惟有仰各地方神。再爲詳查近日人心。如係真心悔悟。自可從寬發落。予以自新之路。否仍不赦。所有災冊。卽發各所司查明稟報。以憑核辦。諸神各平。以待後命。

道祖本擬親臨訓諭。刻因近城三十里內外。慘厲之氣。沖騰半天。故不能降矣。唉。諸子努力救護可也。

佛壇

蓋天古佛護法迦藍大漢漢壽亭侯關降

今隨古佛降臨。諸子各誠靜。吾昔行軍荆襄。水陣淹斃魏兵十餘萬。至今猶覺歉然。當時王者之師。聲討叛臣賊子。尙覺非仁。乃今日之爭。動以數十萬人。民之血氣。爲意氣之孤注。吁。良可慨也。

燃燈古佛臨

一切衆生。造何孽因。一剎那間。受無量苦。諸僧說法。謂之因果。實則非也。因果之說。是個人少數人。何以聚十數省數十萬生命於此一俄頃間。而皆流血橫

尸墮入苦鬼道中。不自知其是何原因。吁。此皆由洪楊一役。迄今數十年來。人心思亂。團成一大戾氣。而爲一大劫。感應於無功德無福澤者數十萬人之身。諸天仙佛。欲挽不得。人世善業。普及未能。可憐哉。此數十萬夢夢之衆生也。今者不渡。後患方興。然而小民何辜。罹此慘禍。又造一重劫案。雖欲消弭。難思良策。諸子試往各小民家一視。無不怨聲憤氣。造劫原因。即在於是。今諸天仙佛。具悲天憫人之旨。下臨塵濁。苦口勸導。但僅借乩筆以傳言。而救世之良方。端賴諸子。老衲世外閒雲。本不欲預聞人事。但浩劫已深。不得不一言以警覺焉。諸子尙可無虞也。

南屏濟祖諭

今日本請 釋迦老佛駕臨。奈不忍俯視慘狀。故切懇 古佛 二聖同臨。以鎮戾氣。慧依汝室。何幸而得 佛光照臨。永除邪祟。唉。吾民真可哀哉。此時爲一分善。作十分觀。汝等共籌補救瘡痍之策也。

壬戌四月初六日

黃仙降

今日奉有 明命。大抵因時災未已。諸神聖考察監臨。極爲忙碌。無暇降臨。除一切善業。已各有專責。須照舊極力進行外。命依前歲直院之役成例。停壇二星期。

請示未批各件及重要事項如何辦法

若有最要事務。或重要問題。得由玄機具表請開特壇。會同扶謄等員舉行之。但不得以微故屢瀆。惟文章不足敷用。文壇停否。速仰慧真來決定。因慧真主要誌。故予人事上以商決之餘地耳。悟淡慧濟皆可大家會商。能徵求玄機之意尤妥。至正壇則不能不停。因 諸聖甚忙也。若女壇須候 淑德真君十五日降臨再定。

壬戌四月十四日

謹按是日恭逢

帝師聖誕。前數日本社當經具表懇請照例舉行慶典。奉 諭云。此時還應上此表麼。但在東社男女弟子心叩而已。嗣慧濟君又具表叩請照向例辦理。又奉 諭但祝昇平。勿煩宴會。蓋奉直之爭。人民流離。屍骸盈野。帝師實

記 事

十

不忍於宴會。恭誦此時還應上此表一語。其悲憫此時之心。溢諸言表矣。先兩日夏君玄虛由香港來電。敬獻洋二千元爲 帝師壽。奉 劉仙示。玄虛君遠在嶺南。睽懷 帝師。忠信篤敬。實深嘉獎。但人有善願。神必助之。着仍照舊例。提取一半爲籌議會購置經典書籍之需。如能買得道藏全書尤佳。其一半着爲濟貧之用云云。同人等謹遵 師命。不敢敷張。亦未開訛。僅於是日早晨九鐘。齋戒沐浴。各集東社行祝 壽禮。所有主祭分祭三獻及祭品贊禮讀祝暨一切儀注。仍照舊舉行。並由慧依君與其夫人。加獻桃麩。備極豐盛。又由慧依君作東道主。備具壽麩壽酒。款待主分陪祭暨襄理執事各社員。固猶存告朔餼羊意也。惟各社員以 聖誕不忍舉辦之故。仰體 師慈。念及四境瘡痍。究不無惻隱之懷。時或流露焉。查本社每逢 聖誕。靈學要誌必特編 聖誕記。此次因無事足錄。祇可叙列於記事類中。聊表紀念。茲將祝文刊登如左。

維民國十有一年歲在壬戌四月十四日。恭逢

五教宗主孚佑帝師聖誕之辰。某某等謹獻太羹玄酒。拜手稽首而上頌曰。敬

維

帝師大道爲公。至誠不息。當新教之宏規甫定。而政爭之警訊頻來。馬嘶揚冀。北之塵。鶯啼斷遼西之夢。惟我

帝師。哀憫蒼黎。呼籲

玄闕。冀滅浩劫。普拯萬靈。拒兵創救護之團。保食慮流亡之衆。同

南海之大士。願具慈悲。闡

北極之真經。道閱

泰壹。遍寰海而同霏化雨。祝

師壽於億萬斯年。開元運而大啓宗風。振鐸音於無量沙劫。某某等向道方殷。

受恩至渥。感生存於亂世。特

覆庇之深仁。欣植

嶽降嘉辰。齊效

嵩呼拜舞。所願

回天大力。銷兵氣爲日月之光。共欽

救世新猷。揚大化於星球之外。臨表歡忭。伏冀
鑒臨。

壬戌四月十五日

謹按是日仍在停乩期限以內。茲因有事請開特壇。遵
師諭也。

何仙降

帝師今日已知君等有所請示。特命在壇。

孚佑帝君臨

唉。三句以來。我與玄機心力俱瘁矣。汝等以爲事已了乎。猶未能也。但以我之
宏願。及汝等之善念。可冀免一城之兵燹耳。而其他在劫者。仍莫逃夫疫癘。戾
氣所鍾。有何法以消之乎。唉。我此次與 觀音大士泣稟 天庭者十次。前次
曾諭可望迅速解決諸語。汝等當能記憶。我亦不僅爲汝等計。蓋爲此間人民
計。亦我之心事也。幸 天鑒我誠。浩劫得以輕減。我之普度大願。又不知何日
始了。惟望玄機及諸人。速從事於新教也。唉。我於諸弟子無厚薄之分。一體愛
護。但論其人性情心術。不問其派系及地位也。我於彌諦。尤喜其誠質。無近來

官吏壞習。乃聞被人責以嫌疑。我則謂其非罪。亦如公冶不失孔子之歡耳。我存公道。我非偏護。擾擾紛紛。尙未有已。須注意是非之正。我如偏護。天罰森嚴。我甘坐也。社中事正賴二三子同心協力。以求多助。玄機深明此意。我亦與特契。前日以其病。我勞皇終夜。謀止劫之方。出門三日未返。吾居始得。各聖助請。金闕俞允。非然者萬不至如此易了也。唉。但祝以後天心悔禍耳。壇期原不欲停。以前日人心皇皇。難與神接。不得已而停耳。今後即可照常開壇。免致教務社務多所延誤。我當陸續宣示一切。汝等須爲我勤於教務。俾所發願早了耳。

壬戌四月十八日

孚佑帝君臨

吾前年命慧濟悟真赴○。今年命武君亦爾者。正爲民命。欲中國早現太平。人得安耳。吾爲神仙中之最愛管世事者。籌思再四。吾今欲繼續前業。使兵弭禍消。諸人之意。大抵與吾不甚相遠。可惜吾事太忙。未得常將此話逐時告之耳。神道化人。緩人道。治人易。此吾所以欲汝等速得吾之靈光也。神道現。大非

記事

久事。是在人自爲之。

我之度世。與諸佛心同而事異。蓋用世之心多耳。諸佛度人成佛。我則不限。聖賢仙佛聽其所詣。只要合乎道耳。內聖外王。亦卽仙佛之道。故治平與誠。正同功。獨善卽兼善之道。等而下之。則凡具信道之誠。濟人之志。其材可量。而用我皆獎而進之。不特清修之士也。若能措天下於治安。拯百姓之疾苦。事雖名爲豪傑。心有契乎仙佛。我猶欲借其能以快吾志。此屢次勸汝等以有爲也。哈哈。吾所以以教救世。教原死物活之者。人也不得其人。教何功耶。故爲教難得人。尤難。社中不乏俊乂。固我擇以待用者。宜棄其短而取其長。弼諧於社。教關係極大。我故格外推重其人。在社員中。實不可多得。乃以時變被讒。陷入苦境。人心公道。果何問耶。須知弼之疑。在於不能巧。不巧而獲罷。何以詔後世。且人方謂他人暴戾。恃強蔑理。則當鑒之。若蹈其轍。亦必受其報。我願無爲已甚也。我心無絲毫私念。倘有恩仇之見。天厭之。天厭之。教立於公道。設不能持公道。以馭世。則誰之咎也。唉。我爲教計。心力盡矣。設天若不悔禍。則已。苟我力之所逮。必勉圖之。望君等同此心也。我愛管閒事。自罹於網。豈不貽諸仙非笑。

但我志如此。頗樂爲之。然亦祇能對諸君一談耳。教成之日。我當將所有經歷。編爲序文。以告世。今則猶未能也。

訓揚翰真云。不如意事到今多。那識神仙也有魔。君莫吾求君自省。入吾門便入雲羅。

訓王竝真云。子爲吾舊弟子。何又更求子近來請濟祖否。彼處善業如何。子來正好。且在社中勾留數月可也。餘事旣在吾門下。自然常聚。爾時再詳談。

呈報長辛店一帶戰區施放急賑情形。計支用白米一百包。窩窩頭二千斤。並李雪初君捐助六百元。袁固真君捐助二百元。劉慧毅君捐助二百元。關文彬君捐助四十元。

諸人捐助。早有明鑒。此事幸有吾預命。否則○○唉。此次能耐苦者。悟功第一。其次悟義。其次正覺等。蓋惟步行能得其詳也。放賑時之情狀。吾已派仙同汝等前往。汝等一舉一動。吾皆知之。卽其中所有老翁頭上被彈。十室九空。羣避砲火。更復迴避等等曲折。爲悟功目擊者。吾皆聞之矣。後方多事。救濟事能如此辦。庶有可望也。

呈報本年春季救急事項詳情及收支數目

已閱此種功德亦不小。但賡續行去。必得福報。我於慧毅正覺。尤信其能持久也。

守壇楊仙示

帝師留諭。關於籌備教務進行。人才尙嫌不足。須急物色。以資討論。前玄機所提議。加入有各教專門學識人員。及開各教聯合會等。皆不宜遲緩舉行。卽銀行一事。尤與教務有關。或認招股。或籌備一切創設事務。衆擎易舉。集事限時。須總理而督促之。諸人各竭慮盡力以副之。須知此舉爲本教根基。若不先成立。則終飄泊無所定止。何以圖久遠而謀擴張。我所以再三爲言也。社員中如有熱心毅力。願負責者。皆可加入。此非權利。實義務也。能使早日成功。社基以固。則教務必日臻發展。至於銀行用人行政。自有人事決定。我不問也。但期諸籌備人員。致力於成而已。其他如前日發起之弭兵會。亦當使之成立。蓋兵興則禍結。軍事無已。莫因事過卽忘之也。我且欲借此推行新教。勿大意看過。名稱不適用。改之可也。

壬戌四月二十二日

劉仙降

今日因南嶽帝君召議戰劫無辜亡魂輪迴一事。諸仙皆無暇降文。正覺悟恆等此次均親往賑濟。具見仁心。而又懇請超度祈禱。仁者存心。澤及枯骨。殊堪嘉許。但今尙非時。俟全局大定後。凡直奉豫各處軍民幽魂。一律荐度。以昭普度而免向隅。切切。

王祖俊問事

南北東西任轉蓬。而今時勢豈前同。耐心守得牛衣味。他日機緣問小童。

正覺問事

久窘自難支持。然師素愛重。大局一平。佳遇不遠。且靜忍待。勿棄社而去也。
壬戌四月二十五日

陳仙降

帝師將臨。以今社屋未就。教務尙待發展。正期亦無甚要務。除催辦救災平糶。已由人進行外。稍加研究。如有餘隙。可與諸人對晤一談。因本社弟子。有人社

後。迄年餘不得與。師接談。聆教益甚爲缺憾。故來者非真有誠心。卽往往裏足矣。社務之發展。因此頗受影響。師意前次本欲試其人有耐久之心者。召與之語。卒亦未果。蓋由增務太忙所致耳。今諸人在此者。望卽傳知。欲上稟見談論者。可卽靜候。

孚佑帝君臨

今日來社諸生。吾一一訓示。可將畫到名冊取來。命悟真依次呼名。

覺平。吾最愛汝與者。個傻悟真。癡悟恆一樣。有點天真爛漫。我願汝永遠勿改。此天真爛漫也。但今所謂此等名詞者。一傻之名詞也。須知今世之人。患在不。傻。傻固可恥。而不。傻者。且用計。以殘害生靈。豈不更可恥乎。故吾謂之。傻而不。傻。悟真。悟恆二人。幾欲往精處學。唉。誤矣。蓋天地之巧。在天。不在人。汝等但學。覺平。以天然爲事。可已。玄機。敬信爲慎。幹練穩重。誠吾之干城也。慧濟圓和。慈厚。砥柱堪資。慧依才智仁慧。正與玄機分任吾事。真不可再得之人才也。悟真。汝仁心錦口。今年又比往年道功事理進步多矣。翼真。道功日進。世俗日淡。爲吾四肢。足以當之。學復才智心品。均有過人處。惜世無知者耳。悟得謀爲進守。

具體而微。非得知音。勿求用也。慧真學博而才不華。道功已大進步。勉之。悟恆有守。有爲問世。而后出世。悟慈。百鍊而純。至於今日。再往活潑處行。學禮。純厚。樸訥。真扶員之好模範也。誠覺誠敬穩慎。再往闊大處行。玄靜。勤勉。振玄勇。悟意。誠信。廣濟。實厚。堅覺。敬才。誠復。信能。智端。自來京已大進步。再勤些。悟淡。仁慈和惠。世無其匹。不欲弟之直欲友之。悟逸。能愛覺。外精內璞。才器不凡。定真誠厚篤實。亦吾之要人也。裕真。才能果毅。失馬待時。鏡真。吾之右臂。勉力進行。亦局部干城也。憤覺。勿憤憤。吾必佑汝而洩之。悟義。勤可嘉。僂可喜。勉之。守定。勤厚可嘉。翊善。敬勿懈。覺平。世故雖深。天真愈璞。實愛重之。悟涵。誠勤敬。再敏些。悟寂。聰明可愛。再勤慎點。生慧。汝也會聰明。好好學。正放規矩些。翰真。本舊弟子。再立新功。竝真。此處較佳。耐心出力。淨真。淨頭陀。來何暮。幾生修。知者我。莫跪叩。老朋友。壯益。白髮如新。浩氣如春。吾特賜爾龍馬精神。

壬戌四月二十七日

劉仙降

今日 帝師在 天界語隨侍仙。意在極力催本社速辦前所諭最急之賬。又

本社房屋速催修竣以促教務切切

壬戌四月二十八日

梁仙降

學復代友人問事

學復代叩一事吾以爲時不可失徐徐何爲石門初放鯨魚浪風高葉舞陰十丈過客駐游鞭水色山光一望蒼莽莽還有秋聲天上

朱楫問事

成則不立立則難成若問究竟空空月明映但知江水催前浪豈信漁郎失舊津

悟真問事

君勿慮清風漸逐高軒住茶花紅妬玉人顏柳綫青垂行客路順此莫徘徊前
面蓬萊佳處君爲帝師最得力弟子與學復悟得慧真悟恆等皆以敷善布
教之功特邀帝眷何所慮耶

壬戌四月二十九日

碧眼仙子降

奉命教會研究。須以孟子離婁篇爲最宜於今之治平。蓋其中講真法制。真民意。皆非野心家所能。或假絲毫者爲救世無上妙諦。諸生宜各詳自研究。復共同討論。今日已無甚事。惟急賑事須力爲仰迅速從事。以鰥寡孤獨無告爲限。無論何種款項。皆許動用。惟須調查確實。用人可靠爲最要。倘有微私。異日必得顯報。轉相戒飭。此師催督之意也。吾近來過西南諸山。見離京遠者。困苦更多。且無人救。亦宜注意。

壬戌五月初二日

孚佑帝君臨

吾教大昌。吾道大行。非二三子合全國賢哲力予進行。更無所望。故吾對於二三子極力指導。每遇改變。卽預爲示知。惟恐二三子或有失也。玄機慧濟。慧依皆獨具隻眼。故始終不渝。得使本社經劫常存。日進一日。此豈吾之力。蓋實二三子之誠毅。足以維繫之也。今大難漸已。隱憂尙存。民生將益窳。生計將益窘。環顧域內。誰足與言救世哉。噫。是必有當然之道耳。二三子皆國之巨室。所有

休戚當與同甘苦。應辦何事。最急何事。自己身家。國民經濟。在目前已有隱憂。不預爲計。漏卮莫塞已。我諭急賑。與社屋銀行。宜盡力前進。用意俱深。非汝等所能知也。如前在吳宅設壇。非諭知預存後步。豈非笑柄。凡言有深意者。此類是也。

悟澈吾深契子文與行誼。本社將來仰仗正多。務須於文壇期到社。子品學兼佳。日後不可限量。惟智宜濬。將來必爲本社盡者。枝五色筆也。

今無多事。命悟真覺平悟澈悟恆悟得各講要誌一篇。以啓發汝等特別靈光也。但隨便就各仙論文。抽其精理。繹爲演辭可耳。此係將來以人濟神之準備。便於教之推行。不可忽視。切切。

悟真講 姚仙改命說 第一卷第九期

覺平講 帝師訓悟善社文 第一卷第三期

悟澈講 觀音大士學佛說 第一卷第二期

悟恆講 白雲仙子勸世語 第一卷第十一期

悟得講 純陽語錄 第一卷第十一期

諸講員所講。尙能引中義理。盡情發揮。而能發見特別靈光者。則推悟澈。若悟真悟得。則次之。悟恆覺平。又次之。要誌各文。皆有至深之義。言近旨遠。非有靈光者。不能見到。將來敷教訓世。皆須引據以爲言。願汝隨時識之。不可忽略看過。致用時惘惘也。以後如有暇時。卽照此演講。不獨重申其義。亦以練成一班講員。爲他日宣傳教務之用。蓋勸世不能不勞口舌。無辯才者。不能勝此任。二三子其識之。以辯救世。非如縱橫家之亂世也。將來教之成功。實有賴於辯才。非我之好辯。孟子所謂不得已耳。

訓錢道果云。風送朱蘭十里香。綠陰繫馬柳絲長。邯鄲半路黃梁熟。莫向空門禮梵王。

熟字誤。我要熟。你們偏要熟。能熟則成功近矣。談熟豈易哉。

謹按沙盤原書熟字。膽員恐熟字誤。改書熟字。故帝師云云。蓋以字義而論。當然是黃梁熟。帝師故意寫作熟字。意謂人皆熱心名利。夢尙未熟也。可見亂論均寓深意。一字不可忽略讀過。

訓愈心怡云。焦桐作琴。月到天心。高山流水。世少知音。我行我素。道貫古今。

訓朱證懺云。春潮曾渡曲江船。一路楊枝挂馬鞭。日落遠山昨夜話。最留情處碧蘭前。此中因果豈茫茫。石虎金龍盡夕陽。莫認竹林深處客。漫漫流水又回鄉。

訓沈慧華云。依稀又話道中緣。杜宇春風幾悟禪。但守中行衡此世。秋江同壽蓼花年。

此係隱語。子細悟之。吾社以教救世。正需子助。且相契在前。子當常來。恆字最要緊。不可大意。否則秋濤紅蓼。吾不問子也。

訓蔣裕真云。子未入吾門。即力行善舉。既入吾門。功德尤著。而爲人豪爽磊落。吾頗愛敬之。然人事上毀爾者。大有人在。吾不信也。此次失馬。蓋不欲汝與肉食齷齪者伍。久思慰汝。汝但在吾門。勤修善業。且看兩途之食報何如。

呈擬救世新教教徒班次字樣（一）贊化育尊德性益身心（二）忠信敬剛柔和固貞順（三）懷柔來子體敬親尊修懇乞 選用其一

批 九字與其如此。毋寧道德慈善仁養禮智信較自然多多矣。上四字屬存心。乃本社教之體也。下五字屬行事。乃本社教之用也。全體班次。改日再示。

呈報赴琉璃河一帶散放兵災急賑

爾諸人此次又辛苦了。各人功德無量。

呈報宣化事項二三四月份收支款項

照例存查。

呈報救護團四月份收支數目

照例存查册發。

呈報二三四月份本社經費

閱册發存。

壬戌五月初八日

姚姬傳真人降

據守壇奉 帝師諭。本京有前御史金姓。携女因貧餒投河事。甚屬可憐。仰本社從優擬給常年恤金。近來此事頻見。實爲大悖人道。傷天心。正爲慈善當然之責任。不得稍涉坐視。並仰遇有此事。擬定詳章。著爲成令。速予周給。凡屬此等救命之舉。無論何款。均須移用。人非至急。誰肯覓死。携子投河。尤爲至慘。速

辦勿誤。

壬戌五月初九日

漢漢壽亭侯關臨

我適過此見純陽不在。暫駐我赤兔。以與諸生一談。汝等欽哉。世運不必問。但看風雲變色。汝等須遵師訓。努力善業。今茲人禍未已。天心難回。汝等可稱善士。劫能幸免。惟因果自生。須種其善者。神鑒不爽。胡不警也。我見此間黑氣彌漫。惡人過多。恐天罰猶重也。但汝等實多善念。薰蕕不同。天當鑒之。今天苦旱。雨澤不時。四郊癘疫。將乘時起。爲政者毫無所知。汝等須防之。事先也。汝師純陽深慮教不易行。吾則以爲此非慮也。保目前之災爲急務耳。試看黃楊逢閏。將大厄吾民也。勉之勉之。

孚佑帝君臨

我爲神仙。不能消弭劫運。乃煩人力。而猶不濟。是吾之深羞也。今○○既如前。此之預料。不幸言中。民生塗炭。而無以救。其何以解吾羞。而爲斯民命脉地耶。唉。吾既曾奏天庭。不得不實踐於人間。今事實與所期望者相違多多。而民

生且未獲樂觀。汝等當努力向前。無以○○既去。遂委民衆於不論也。噫。吾見鷹鷂之逐鳥雀者。恨不能以劍揮之耳。噫。今之民困極矣。吾以爲無論有主無主。當先維持民生。吾社所辦。正無不合。惟仍宜實地調查。努力爲之。要在使民無害也。

訓王愛真云。本來清白。何故戚戚。桑榆有日。莫憂得失。
訓李和覺云。今入吾門。尙屬幸事。性情剛躁。宜向柔和。
訓徐勉覺云。多行善德。以免愆尤。

壬戌五月十一日

風徽伯張臨

正覺善力。近來仍是不懈。甚可愛敬。悟恆騰編。仍是不懈。甚可愛敬。悟真學復。悟得冀真。均不懈。甚可愛敬。吾在天闕。已見地方報告文中。有君等名矣。勉哉。又悟功面上。帶有陰瞞氣。必與善事有進益也。凡人在世。最能轉移命運者。無如善行。若能實心實力。中心懇懇。去做而不存一點機心。一點利心。必可獲福。轉運子。聰明人也。利心尙無。惟須戒機心耳。至於衣食生計。吾以爲可無多。

慮社中貧乏者。但能實心爲善。不犯上述之戒。卽或偶犯而出於不得已。或犯而不盡惡者。得所宥。但日後方長。必須以此爲戒。機心利心最易。自害此係忠告。見者切弗誤會。以爲有所諷也。且此對悟功。悟真。悟恆。正覺等言。與外人無涉。各宜自省。此卽亂世保身之道。亦卽轉運立命之術也。吾與數子相周旋。既敬且愛。故不覺言之親切如此。尙望實行爲要。

楊仙示 風徽伯極其誠懇。故對於諸人言無不盡。學道爲善之士。亟宜師法而力行也。

壬戌五月十五日

姚姬傳真人降

汝等勿愁迷信之害。近有英人柯南道爾伯爵。篤信鬼神。曾著有鬼論。並有極可靠之經驗。今日北京晚報亦已登之。蓋人不言神。尙不欲自炫也。可細參其說。而考求以擴充之。如裕真所擬辦法最善。卽由裕真請英文專家。譯爲英語。附於後。此等辦法。傳播最廣。效果最速。洵良策也。並與彼柯南等大哲士會同。力爲研究。不愁吾學無價值也。將來風行全球。已由諸神聖默啓。西洋諸國自

英始。故本社降壇尤多有英儒也。爾後世界趨勢。卽漸歸於此。亦猶物質文明之進化。蓋物質進化後。卽爲靈學進化。乃一定自然階級。世人不能預知耳。不然。何謂進化耶。

謹按裕真適在休息室。謂擬將 風徽伯鬼神語。譯成英文。中英合璧。作爲單行本。分寄外洋。並擬刊悟善週報。但深恐外間又罵迷信。語未畢。而 姬傳真人已聞之。故示如此。惟同人尙未得閱晚報。亟往購之。果載有英人柯南道爾之有鬼論一篇。茲錄如左。

世界新聞社云。邇來神秘之學。日益發明。不但中國有鬼之說日張。西方文人學者。亦多研究鬼學。如以著福爾摩斯偵探著名之英國小說家柯南道爾爵士。於三十年前。卽倡人死鬼在之說。後其子荊思來死。爵士自言時見其鬼。迄今彼所與交談之鬼。已多至二十人。爵士近偕其夫人及二子一女。自英游美。欲以有鬼之學說。灌輸於美人。據其對人云。與死者通消息。乃絕對可能之事。但欲通消息。必藉媒介之物。媒介之良否。於通消息之成敗。大有關係。英國婦女之得與其已死之子或夫交談者甚多。有鬼之說。在今日

傳布甚速。見鬼之事實亦日多。尤以曾有愛子死於戰場之人爲特甚。吾意美國亦必有此同一情形。故親來一觀。吾父爲天主教徒。吾亦生而爲此教中人。然吾早年卽棄此教。而信吾今日之所信。吾信宇宙間有一至高主宰。乃廣大無極。無所不知。無所不能者。吾於吾死後在別一世界中之運命。今已知之。且知之甚悉。知吾人於死後實較現世界爲快樂。爲高尚。而無困苦艱難。至死後第一步之生活情形。亦與現世無甚差別。總之現世所有一切事情。死後之世界中皆有其同等者。凡不信吾說之人。死後必自知之。但須待此智識之自來耳。吾於此別一世界之情形。實際如指掌。不若亞洲或非洲蠻荒中之野人狀況。反爲吾所不悉也。大戰中。吾家附近有一營倉。吾對將出征之青年。講述有鬼之說。信者甚衆。後接彼等自戰場來信。僉謂在槍林砲雨之中。全無畏死之念。而目前之生活。亦若全變面目。蓋旣信靈魂不滅。且死後較生前爲快樂。卽可絕對不怕死也。此種唯靈學說。今日傳布甚速。預料五十年內。必徧於全世界。彼時人類生活上必起一種大影響也。爵士言時。其子女侍側。爵士指之曰。吾已將吾之所信。教訓彼等。彼等雖幼稚。

宗教智識。或較許多大僧正爲富。且皆不畏死。又指其夫人曰。彼乃余之信。仰旗幟下之健將也。聞爵士且將實行試驗。與鬼交通。以證其說云。

今日諸生既奉 老祖命誦真經。可以各竭誠敬。潛心禮誦。不惟口誦。尤須心。惟大道如太陽。光明諸生本來皆有。由 老祖之真經。會自己之本性。則句句。光明心。心透澈。卽道。卽德。卽慶。故 老祖謂有終年大慶也。慎之。仰由真率。領祇誦。聽其指點。蓋 老祖預計明日爲本社庚壇諸生薈萃。故尤爲適宜耳。明日誦經畢。可勿去。卽候 老祖訓示。此次二期合一。二聖齊臨。誠盛事也。諸生慎敬勿怠。

謹按二期合一者。謂五月十六日。既係庚期。又係正會期也。

壬戌五月十六日

謝仙降

頃奉 劉慧地仙傳諭。今日本教兩壇。合時而開。爲第一次希有之慶。本有西聖特降。茲因歐亞間有弭兵重要會議。歐美 諸聖先賢均與會。故不克臨。 老祖申正臨。有道功要訓。

至聖先天老祖臨

今日中庚上吉之辰。吾臨爲諸子一慶。前次災劫。吾早預示避免方法。諭爾等多坐。養靈制癘。故保得京畿內外安全。是汝等之功。不但惠及庶黎。且自己亦保得身家無恙。勿謂道不足恃。善不足維持生民。吾與呂弟費盡許多心力。始將一座錦繡燦耀之都城保住。否則早成灰燼矣。可不懼乎。

吾料經此劫後。能真誠爲善者。必較昔爲多。其化不可化。仍執迷不悟者。必將歸諸第二次淘汰之中矣。其各慎之。修之。勿視吾言爲怪誕。蓋其中有循環之至理在焉。

今晨在社誦真經者。不但有益全體。卽自身亦獲福焉。汝等須知今日爲華會。又逢吉庚。故令修方虔誠。諷誦消劫真經。不但解救京師內外黎民未來之災。並爲全教修方種福免難。自身亦獲益也。豈非一舉而數善備焉。可不勉哉。吾今擬闡造化玄微之理。各誠敬靜聽。

謹按 老祖闡教化玄微之理一篇已刊登本期道詮類。閱者可檢之。

孚佑帝君臨

訓施悟禮云。蒲青艾綠。石榴紅多少。人家學老農。到此蒼茫。一回首。看誰高唱。大王風。

謹按施君字少農。詩中多少人家學老農之句。蓋嵌其次篆也。

訓楊悟瑜云。一笑昂藏七尺軀。光陰過眼似飛駒。從來得失皆虛幻。且向明窗讀斗瑜。

謹按楊君名葆昂。字伯駒。詩中首次兩句。蓋嵌其名號也。又奉示云。斗瑜

見斗府經注。

訓陸禪靜云。靜中悟得天心。否底事。尋春不向東。寒月霜枝懷鄧尉。空山蕭索咽殘鐘。

訓焦禪息云。嶺頭初日雲。五采海面清風潮。四圍穩坐平林看飛鳥。此中動靜皆禪機。

鎮覺已愈。吾甚喜。吾特賜汝固真二字墨蹟。以志此次之難。即更名固真可也。相見幾如再來人。前番得失皆灰塵。性天莫使隨緣壞。請證元功固此真。子尚須善養。勿多勞雜。慮有傷真神。切記。

壬戌五月二十二日

洪仙降

三倍壽源今屬君。太平有象慶同文。誰聽緜嶺笙歌好。落月寰瀛獨見人。悟真非其人耶。今爲悟真生日。吾以詩贈之。但白駒光陰不可復。少以前事如鴻迹。以後事猶茫然。一年一度之生辰。雖欲淡漠視之。恐君心有不能已者。人之少壯不振其業。老大自艾亦復何益。聰明如悟復。天賦已厚。設從茲壯年奮志道學。超凡作聖。寧曰不能若乃。役役於形骸之末。規規於名利之途。則其成功亦不過世之賢者。市兒欣慕之。謂榮清修之士所辱也。門庭冠蓋之。謂貴知本之哲所賤也。吾輩以難得之身。負逸世之道。其所以持其生者。果欲垂雲鶴之翼。而所以壽其命者。亦將奪靈龜之功。不必困於環周。不必馳於物外。則天爵足以榮。至道足以貴。失此得彼。抑何不快。然於心哉。

姚姬傳真人

贈悟真詩云。上苑飛籤傳玉奴。新詞教譜月中珠。年年花好人同壽。滿地紅蓮坐佛圖。

月中珠璣階樂府。後二句。摘曲中語。悟真爲吾助實多。近來尤極親近。今其誕日。吾安得不以一言快其意。爰贈之以詩。啓其心志。以解其抑塞。

壬戌五月二十三日

孚佑帝君臨

惟善能廻天心永契。諸生但努力善業。勿生疑似。前淑德真君已預告。○家當有小劫。過此亦卽無害。善之力最大。能轉移故耳。有此一劫。結其前緣。從此以後。卽皆善報矣。諸生慎勿誤會。以爲善有難憑也。前後不同耳。此天所以玉成。○耳。蓋苦志勞體。爲異日作餘步。諸生但勤善業。教務可也。

訓陸印證云。前日吾已明言。弟不可先兄。已許汝下期必准矣。漫從新說。誤根原。絮果蘭因。記此番草色。天涯人自至。風波過後兩無言。

訓李善覺云。汝誠且忠。以後須格外自勉。修道學善。自得好處。吾不誑汝。切記。訓徐苦禪云。慎葆真元。且索居。傷生事業。是車書。修持不必成仙。去續得年華。亦不虛。汝須盡力道功也。

訓鄭佳真云。細行終爲大德。瑕言緘金口。是無差。竹園新見孫。枝茁鳳。嘯岐岡。

紀歲華。

訓江濟坤云。汝來甚好。此中大有事業作。不過須持以恆心也。得得京塵如是。觀清明雅致。亦何慳。南華妙理。勤參後拾定。玄珠一二三。

求雨難。求雨難。人心旱。天亦旱。欲使天不旱。先要人不旱。唉。以我們者幾個人。怎能夠使人心不旱呢。唉。誠心擇期乞求。吾再爲上懇。或可得數滴。然終恐難透且普也。以術致雨。終不能救人心。致甘霖也。唉。

馮仙示

帝師因往。天闕會議旱兵諸災事案。故早去耳。所有急賑及調查近城城內災黎周恤事。仍宜繼續切實進行。

涵復請捐刊金華宗旨

凡刊道書善本。盡屬美事。君所爲最當。

謹按金華宗旨一書。係孚佑帝君撰著。並有自序一篇。茲將序文敬謹登載。俾讀書者得知是書之大概焉。

易大傳曰。神無方也。無體也。言神無方。體則名言之。而難盡矣。來往不窮。利

用。出。入。日。用。之。而。不。知。與。天。地。合。其。德。與。日。月。合。其。明。與。鬼。神。同。其。變。化。至。矣。哉。盛。德。大。業。言。之。不。可。終。窮。擬。議。之。而。無。可。形。似。靈。文。秘。笈。俱。歸。塵。腐。予。之。定。是。宗。旨。不。落。名。言。無。從。擬。議。其。所。以。幹。旋。天。地。轉。運。陰。陽。者。在。握。其。寸。機。而。已。得。其。機。則。妙。用。在。我。而。乾。坤。皆。範。圍。之。而。不。過。矣。機。者。何。一。而。已。矣。一。不。可。名。歸。之。太。虛。而。浩。浩。落。落。一。片。神。行。其。間。變。化。無。端。妙。用。不。測。吾。何。以。名。之。名。之。曰。太。乙。噫。至。矣。盡。矣。宇。菴。屠。子。輩。編。輯。宗。旨。成。書。各。授。弟。子。爰。爲。之。闡。發。大。意。而。著。之。簡。端。是。爲。序。

壬戌五月二十六日

平仙降

帝師日來大不高興。社務須籌一妥善方法。以與魔抗。慎勿再因循也。唉。曲折多矣。如何始能逕達成功。非用全力以赴之不可。

壬戌五月二十七日

馮仙降

奉 帝師諭。社中事務須玄機慧濟。慧惠極力籌畫。近月魔嫉吾道。多方破壞。

非堅定以抗之。則墜其術中矣。吾於前三月間。已爲救濟之計。奈因社中人心不固。精神渙散。致爲所乘。隱憂實大。若再不鎮之以忍。持之以勇。團結誠感。以謀奮鬥。則社事敗矣。吾誓盡吾力。以與魔戰。所望二三子助吾。勿自餒其氣。無論變幻如何。其志始終不渝。萬事皆憑汝等。此時之誠毅。吾惟有以此信汝而自信耳。切切。

慧毅問事


不是緣分安附爲。請從枝外別尋枝。秋光八月潮頭月。一望團團正此時。靜則吉。

悟禮問事

水上浮漚留影多。但敲清句莫長歌。雲橫榆塞不見日。惟聽呼公無渡河。有些枝節耳。

慧濟問事

我爲君卜之。是夫之離。象極好。但無急。以夫變也。然終通。以離明也。明陽之功。道在南風。田禾及時。惟丙丁同。



酬

錄

選刊條例

一 請求代刊之文必須意在勸化醒世有益世道人心者
否則不錄

一 社外來文應照錄呈壇核定如未蒙批准之件概不代
刊原稿亦免繳還

一 每期刊之文以十頁爲限如文長者下期續之

一 以文字交本社代刊者有代銷要誌之義務每期至少
以十份爲限多者酌加但不能推銷要誌者每期貼本
社印刷紙張費二十元



附錄

遊巡各省檢察使陸公論定數

轉錄營口宣德社

世人遇事。往往以爲有定數。於是因此而自誤者。不知凡幾。但定數二字。有時亦有用處。假如一人有一愛妻或愛子。一旦忽而傷亡。其人必悲愴莫釋。此時惟有以定數二字。曲爲寬解。方足稍慰其悲愴之意。則此定數二字。尙可適用。若有一人智識未定。在可上可下之間。忽來一星相之人。告以爾之命運定數甚佳。其人必有恃無恐。諸事怠惰。不復振作精神。以求進取。以爲我命運既佳。待之可耳。因而將機會蹉跎。此皆定數之說之害處。嘗聞忍苦耐勞者。成大業。未聞坐而待運者。福自降。故定數二字。祇可慰愚昧者一時之悲愴。不足爲明理者所取。諸子明達。以後望勿以定數二字存留心中。倘欲成何種事業。當將先哲中以成何種事業者。作模範。或有不能達到時。須知己之工夫未及。再將模範者之遺言。往行及一切經歷。詳細考察。奉爲步趨。然後更將己所不足之

附

錄

遊巡各省檢察使陸公論定數


處加意研究。雖未能追蹤先哲。然亦相去不遠。昔漢光武云。有志者事竟成。故不懼事不成。祇懼志不堅。且創業不易。守業更不易。每有人一朝得志。輒喜自誇其才能。此爲驕傲之徒。又有人本無堅忍之性。遇不得意之事。必自歎爲命運不亨。此又爲庸碌之輩。故驕傲不成。器庸碌亦不成。器願諸子於抱志未達之時。切勿付諸命運。當知工夫未到。益當力求上進。一旦得意。又切勿驕矜自滿。須自知得來之僥倖。尤宜謹慎保守。再人心每又厭短苦而求長樂。要之。苦不忍。則樂不得。往哲有言。先樂事者後憂事。先憂事者後樂事。望諸子於少年時。盡其勞苦。毋貽老大傷悲。其各勉之。

謹按此係營口宣德社寄稿也。陸公諱溥春。晉陽人。宣德社有。陸公繪

像記一篇曰。公爲前勅授關東財帛星君。檢察奉省金庫。現任遊巡各省檢察使。辛酉十二月時。公尙在關東財神任內。常駐營川。同人因事請乩。輒蒙公降壇。判示得失。善誘循循。暇則憑乩教以練字。書法遒勁。追蹤顏柳。日久則氣機相感愈深。請益問難。如臨師保。幾忘有天上人間之隔矣。一日有神胡公臨壇。胡公諱錦。字儒朗。山東濟寧人。善繪事。問事畢。草草自繪一像而

去。越歲二月。公得調任檢察使消息。先期以示同人。同人因感念公教誨之殷。一時憂喜交集。蓋公之升遷固足喜。而公去之後。未能日親訓迪。不啻失一良師。是又足憂。爰虔懇公轉請胡公再降壇坫。爲公繪一神像。以留紀念。而永去思。公鑒其誠。許之。於二月二十日之夜。備齊筆硯。公果邀同胡公降臨。憑几摹繪神像。雖因扶手不明畫理。設備未克完善。下筆亦未免生疏。然而道貌岸然。丰神飄逸。對之已令人肅然起敬。同人以是信仰心益堅。請闢靜室。成立一社。敬謹供奉公像。公爲錫以社名曰宣德。現在每逢朔望。公仍按期降壇云。茲並將神像附印於後。





晉陽陸公溥春遺像



▲▲注 意▼▼

本社發行靈學要誌手續極爲清楚每期發行將購閱諸君姓名一一書於送郵簿上詳細點交郵局仍請郵局於簿上一一分別加蓋郵政戳記是本社所發要誌均有冊簿可稽尤有郵戳爲據決無遺漏之弊乃現接數函謂前期要誌尙未收到爰向郵局交涉據郵局聲稱簿上既有郵戳自應負責毫無錯誤本社又從他方面根究原因或因住址遷移無法投遞或因門房視爲印刷品不甚措意甚有某宅於收到要誌時被他人拆閱隨手拋置而本人並未寓目嗣又檢出者此皆查明之實在情形也此後務乞購閱諸君格外注意隨時稽查如有住址遷移尤望從速將詳細地點及門牌號數函知本社發行股是爲至禱

悟善社發行股謹啓